

四庫全書

集部

欽定四庫全書

集部

御選古文淵鑒

御製序

卷一

詳校官尚書

臣德保

主事銜

臣徐以坤覆勘

總校官進士

臣朱鈐

校對官編修

臣盧遜

謄錄監生

臣沈廷棟

欽定四庫全書

御製古文淵鑒序

夫經緯天地之謂文文者載道之器所以彌綸宇宙統括古今化裁民物者也是以乾苞坤絡非文不宣聖作賢述非文不著其為用也大矣書契以後作者代興簡冊充盈體制不一約而論之靡不根柢於羣聖權輿於六籍如論說之類以疏解為主始於易者也奏啓之類以宣述為義始於書者也賦頌之類以諷喻為指始於

詩者也傳序之類以紀載為事始於春秋者也引而伸之觸類而通之雖流別各殊而鎔裁有體於是能言之士抒寫性情賁飾詞理同工異曲以求合乎先程皆足以立名當時垂聲來葉彬彬郁郁稱極盛焉然而代不乏人著作既富篇什遂繁不有所裒輯慮無以觀其備也不有所銓擇慮無以得其精也古來采核之家載在四部名目滋多類皆散佚其流布人區者自蕭統文選而外唐有姚鉉之文粹宋有呂祖謙之文鑑皆限斷年

代各為一編夫典章法度繁然一王之制前不必相師
後不必相襲此可限以年代者也至於文章之事則源
流深長今古錯綜盛衰恒通於千載損益非關於一朝
此不可限以年代者也諸家之選雖足鳴一代之盛豈
所以窮文章之正變乎朕留心典籍因取古人之文自
春秋以迄於宋擇其辭義精純可以鼓吹六經者彙為
正集即間有瑰麗之篇要皆歸於古雅其綺章秀製弗
能盡載者則列之別集傍采諸子錄其要論以為外集

煌煌乎洵秉文之玉律抽牘之金科矣夫帝王之道質
文互用而大化以成聖賢之業博約並施而性功以備
是書也雖未足以盡文章之勝於聖人游藝之旨亦庶
乎其有當也夫

康熙二十四年十二月題并書

欽定四庫全書

集部八

御選古文淵鑒總目

總集類

卷一

周左傳

卷二

周左傳

卷三

周左傳

卷四

周左傳

卷五

周國語

卷六

周國語

卷七

周公羊傳
穀梁傳

卷八

周 戰國策

卷九

秦 戰國策

卷十

漢 高帝 文帝 景帝 武帝 昭帝 宣帝
元帝 成帝 哀帝

卷十一

漢 賈山 賈誼 薄昭

卷十二

漢 鼂錯 枚乘 董仲舒 淮南王安

卷十三

漢 嚴安 徐樂 司馬相如 主父偃 東方朔
吾丘壽王 司馬遷

卷十四

漢 王吉 路溫舒 魏相 趙充國 鄭昌 張敞
賈捐之 匡衡 貢禹 蕭望之 王褒
諸葛豐

卷十五

漢

劉向

杜欽

翼奉

薛宣

王尊

公乘興

劉輔

谷永

梅福

卷十六

漢

孔衍

耿育

王嘉

毋將隆

師丹

李尋

鮑宣

揚雄

劉歆

賈讓

卷十七

漢

光武

明帝

明德馬皇后

安帝

章帝

和帝

和熹鄧皇后

殤帝

順帝

桓帝

卷十八

漢

竇融

馬援

朱勃

班彪

桓譚

杜林

張純

鄭興

陳元

朱浮

第五倫

韋彪

孔僖

何敞

徐防

魯恭

魯丕

卷十九

漢

班固
左雄

崔駰
郎顗

樊準

陳忠

翟酺

虞詡

卷二十

漢

劉梁
張敞

李固
傅燮

皇甫規
蔡邕

陳蕃

鄭康成

劉瑜

劉陶

劭

陳琳

臧洪

卷二十一

三國

魏文帝
劉廙

衛覲

明帝

陳王

植

高堂隆

董昭

蔣濟

王朗
杜

程曉

夏侯

太初

卷二十二

三國

蜀漢昭烈帝 諸葛亮 吳大帝 景帝
駱統 諸葛恪

卷二十三

晉

武帝 元帝 明帝 康帝 穆帝 簡文帝
羊祜 杜預 荀勗 庾峻 劉實 劉頌

劉毅 傅咸 李密 陳壽 虞溥 張俊
閻纘 陸機 劉琨

卷二十四

晉

子寶 庾亮 荀崧 范甯 蔡謨 王羲之
孫綽 徐邈 戴逵 韓延之

卷二十五

宋

武帝文帝

孝武帝

始安王休仁

傅亮

何尚之
范曄

卷二十六

齊

高帝武帝

豫章王嶷

竟陵王子良

孔

顗
顧憲之
孔稚圭

梁

武帝邵陵王綸

沈約

任昉

蕭子顯

陳

文帝徐陵

沈炯

卷二十七

北魏

太武帝

文成帝

孝文帝

任城王澄

韓

北海王詳
孫惠蔚

元暉

張普惠

甄琛

邢巒

顯宗

崔光

甄琛

邢巒

高謙

卷二十八

北齊

邢邵

杜弼

北周

武帝

蘇綽

庾信

隋

文帝

牛弘

李諤

卷二十九

唐

高祖
德宗

太宗

睿宗

明皇帝

肅宗

代宗

卷三十

唐

傅奕
百藥

徐賢妃

房喬
馬周
岑文本

魏徵

褚遂良

張玄素
李
張蘊古

卷三十一

唐

狄仁傑

劉知幾
宋璟

陳子昂

蘇頲

安恒
張九齡

崔融

卷三十二

唐

張均

劉秩

孔璋

柳芳

顏真卿

郭子

獨

孤及

李華

李翰

卷三十三

唐

陸贄

卷三十四

唐

權德輿
公異

高郢
裴度

李絳
柳冕

梁肅

沈既濟

于

卷三十五

唐

韓愈

卷三十六

唐

韓愈

卷三十七

唐

柳宗元

卷三十八

唐

白居易

元稹

劉禹錫

李翱

田弘正

卷三十九

唐

劉蕡

李德裕

卷四十

唐

杜牧

鄭亞

孫樵

李商隱

羅隱

陸龜

卷四十一

五代

後唐莊宗

李繼岌

李嚴

周世宗

王

江文蔚

歐陽廣

潘佑

馮涓

辛寅遜

田淳

吳越王

錢鏐

丁思觀

卷四十二

宋

太祖

太宗

真宗

仁宗

英宗

神宗

高宗

孝宗

光宗

寧宗

理宗

卷四十三

宋

張齊賢

田錫

王禹偁

陳靖

魯宗道

王

孫奭

尹洙

蘇舜欽

宋祁

張方平

王

趙鼎

蔡襄

包拯

石介

吳育

錢公輔

鄭獬

范仲淹

卷四十四

宋

韓琦

富弼

司馬光

范鎮

范百祿

卷四十五

宋歐陽修

卷四十六

宋周惇頤

張載

程顥

程頤

楊時

范育

卷四十七

宋王安石

王安國

蘇洵

卷四十八

宋

余靖

劉敞

劉攽

呂誨

宇文之邵

沈

括孫覺

鄭俠

卷四十九

宋蘇軾

卷五十

宋蘇軾

卷五十一

宋蘇轍

卷五十二

宋曾鞏

卷五十三

宋 曾鞏 曾肇

卷五十四

宋 韓維 劉摯 蘇頌 呂公著 呂大防 呂

大鈞

范純仁

李清臣

卷五十五

宋 范祖禹 江公望 晁補之 陳師道 張耒

秦觀

卷五十六

宋 王令 鄒浩 李之儀 晁說之 李昭玘

卷五十七

宋

李綱

王朋 汪藻

楊萬里 程俱

羅從彥 周必大

鄭樵

李燾

卷五十八

宋

胡宏

劉子翬 彭龜年

劉光祖 朱松

羅願 陳傅良

程大昌 陸游

范

卷五十九

宋

朱熹

卷六十

宋

朱熹

卷六十一

宋 朱熹

卷六十二

宋 張栻

呂祖謙 陸九淵

陳亮 葉適

卷六十三

宋 蔡沉

陳淳 真德秀

卷六十四

宋

魏了翁
文天祥

黃震
謝枋得

王柏

牟子才

方逢辰

臣
等謹案

御選古文淵鑒六十四卷康熙二十四年

聖祖仁皇帝御選內閣學士徐乾學等奉

勅編注所錄上起春秋左傳下迨于宋用真德秀文章正宗例而

睿鑒精深別裁正當不同德秀之拘迂名物訓詁各有箋釋用李善注文選例而考證明確詳畧得宜不同善之煩碎每篇各有評點用樓昉古文標注例而批導窾要開發精微不同昉

之簡畧備載前人評語用王霆震古文集成
例而蒐羅賅備去取謹嚴不同霆震之蕪雜
諸臣附論各列其名用五臣註文選例而夙
承

聖訓語見根源不同五臣之踈陋至於甲乙品題
親揮奎藻別百家之工拙窮三準之精微則自有總
集以來厯代帝王未聞斯著無可授以為例
者蓋

聖人之心無不通

聖人之道無不備非惟

功隆

德盛上軼唐虞卽

乙覽之餘

品題文苑亦詞苑之金桴儒林之玉律也雖帝堯之

煥乎文章何以加哉乾隆四十六年五月恭

校上

總纂官

臣紀昀臣陸錫熊臣孫士毅

總校官

臣陸費墀

欽定四庫全書

御選古文淵鑒卷一目錄

周

左傳

鄭莊公叔段本末

隱公元年

衛石碚諫寵州吁

隱公三年

魯臧僖伯諫觀魚

隱公五年

鄭伯侵陳

隱公六年

鄭伯命大夫百里居許

隱公十一年

魯臧哀伯諫納部鼎

桓公二年

隨季梁勸修政

桓公六年

楚屈瑕伐羅

桓公十三年

魯齊長勺之戰

莊公十年

晉獻公嬖驪姬

莊公二十八年

晉獻公使太子申生伐東山臯落氏

閔公二年

楚屈完對齊使

僖公四年

宮之奇諫假道

僖公五年

齊管仲論受鄭子華

僖公七年

晉秦韓之戰

僖公十五年

晉陰飴甥對秦伯

僖公十五年

宋楚泓之戰

僖公二十二年

敘晉重耳出亡本末

僖公二十三年

富辰諫襄王

僖公二十四年

魯展喜犒齊師

僖公二十六年

晉文公始霸

僖公二十七年

欽定四庫全書

御選古文淵鑒卷一

內閣學士兼禮部侍郎教習庶吉士臣徐乾學等奉

旨編注

周

姬姓黃帝苗裔后稷之後武王伐紂而有天下至幽王為犬戎所弑謂之西周平王東遷洛邑謂之

東周即春秋

秋之始也

左傳

左丘明著丘明魯史也孔子將修春秋與丘明聚如周觀書於周史歸而修春秋之經七

十子之徒口受其傳丘明懼弟子之各安其意失其真故論其語成左氏春秋或先經以始事

或後經以終事或依經以辦理或錯經以合異隨義而發是為春秋內傳

鄭莊公叔段本末

隱公元年

初鄭武公娶于申曰武姜

鄭姬姓周宣王封其母弟桓公友傳子掘突是為武公申

姜姓

生莊公及共叔段

段出奔共故曰共叔

莊公寤生驚姜氏故

名曰寤生遂惡之

寤寤而莊公已生故驚而惡之史記云生之難應劭云兒墮地開目視為

寤生愛共叔段欲立之亟請於武公公弗許及莊公即位

為之請制公曰制巖邑也

制邑在鄭巖險之邑也

號叔死焉他邑

唯命

號叔東號君也特制巖險而不修德鄭滅之恐段復然

請京使居之謂之京

書曰烝烝乂不格
姦人倫之至萬世
之訓也以武姜之
偏溺叔段之貪惡
莊公初無孝友之
誠心遂不明於予
奪之大義養戚弟
惡而後以兵取之
其失德多矣

不萊呂祖謙曰
公氏序鄭莊公
之事極有筆力
其怨端之所以
明良心之所以
出皆可見莊公
初略儘高叔段
已在掌握中故
分仲之徒愈急
而莊公之心愈
緩待段先發而
後應之公之於
段始如處女敵
八開戶後如脫
仇敵不及拒者
也然莊公此等

城大叔

京鄭邑

祭仲曰都城過百雉國之害也

祭仲鄭大夫方丈曰

堵三堵曰雉一雉之牆長三丈高一丈侯伯之城方五里徑三百雉故大都不得過百雉

先王之制

大都不過參國之一中五之一小九之一今京不度非

制也君將不堪公曰姜氏欲之焉辟害對曰姜氏何厭

之有不如早為之所無使滋蔓蔓難圖也蔓草猶不可

除况君之寵弟乎公曰多行不義必自斃子姑待之既

而大叔命西鄙北鄙貳於已

鄙鄭邊邑貳兩屬也令屬鄭之邑兩屬於已公

子呂曰

公子呂鄭大夫

國不堪貳君將若之何欲與大叔臣請

訂術施於敵國
則為巧施於骨

以則為忍此左
氏鋪叙好處以

下分筆力寫千
分情事

以照曰敘事文
子貴首尾連貫

計略得宜左氏
取善此法是篇

月動而色朕慕
而入情為傳記

一祖

事之若弗與則請除之無生民心公曰無庸將自及大

叔又收貳以為已邑至於廩延廩延鄭邑子封曰可矣厚將

得衆子封公子呂也厚謂土地廣大公曰不義不暱厚將崩不義於君不親於兄

雖厚必崩也大叔完聚繕甲兵具卒乘步曰卒車曰乘將襲鄭夫人

將啓之無鐘鼓曰襲將掩鄭國之不備夫人即武姜公聞其期曰可矣命子

封帥車二百乘以伐京京叛大叔段段入于鄆公伐諸

鄆五月辛丑大叔出奔共鄆邑共國書曰鄭伯克段于鄆段

不弟故不言弟如二君故曰克稱鄭伯譏失教也謂之

臣正治曰鄭莊
惡養天倫左氏
以曲筆寫出千
載如畫隨而相
見亦諱諫之類
歟

鄭志不言出奔難之也

段實出奔而以克為文明
鄭伯志在於殺難言其奔

遂寘

姜氏於城賴而誓之曰不及黃泉無相見也

城賴
鄭地

既而

悔之賴考叔為賴谷封人

賴谷邊邑封
人典封疆者

聞之有獻於公

公賜之食食舍肉公問之對曰小人有母皆嘗小人之

食矣未嘗君之羹請以遺之公曰爾有母遺繫我獨無

繫語

賴考叔曰敢問何謂也公語之故且告之悔對曰

君何患焉若闕地及泉隧而相見其誰曰不然

闕掘也
隧地中

道公從之公入而賦大隧之中其樂也融融

賦賦詩也
大隧之中

臣德宜曰孝為人心之同百行之本帝王以及及物忠臣以之格君所謂推而放之皆準也故西銘言仁亟稱類封人之錫類

石碣之諫卓然千古正論有國有家者不可不三復斯言

想當時所賦之詩今不可姜出而賦大隧之外此亦當復考融融和樂相得之貌

詩之其樂也洩洩洩洩舒散貌遂為母子如初君子曰類考

叔純孝也愛其母施及莊公按左傳稱君子曰多是採取當時君子之言或斷以

已詩曰孝子不匱永錫爾類其是之謂乎大雅既醉篇

衛石碣諫寵州吁隱公三年

衛莊公娶于齊東宮得臣之妹曰莊姜衛姬姓文王子康叔封之後齊

姜姓大公望之後得臣齊大子美而無子衛人所為賦碩人也碩人又

娶於陳曰厲嬀陳嬀姓虞舜之後○嬀九危反生孝伯早死其娣戴嬀

西山真德秀曰
方莊公之寵州
吁也礚能諫之
及州吁之篡桓
公也礚又能誅
之可謂社稷之
臣矣

臣廷敬曰履霜
之戒聖人所謹
辨之不早實為
厲階石礚謀國
而忘其私可謂
忠而且智矣

生桓公莊姜以為已子公子州吁嬖人之子也有寵而
好兵公弗禁莊姜惡之石礚諫曰石礚衛大夫礚仕略反臣聞愛
子教之以義方弗納於邪驕奢淫佚所自邪也四者之
來寵祿過也將立州吁乃定之矣若猶未也階之為禍
夫寵而不驕驕而能降降而不憾憾而能矜者鮮矣矜重
也言不能自安自重○矜之忍反且夫賤妨貴少陵長遠間親新間舊
小加大淫破義所謂六逆也君義臣行父慈子孝兄愛
弟敬所謂六順也去順效逆所以速禍也君人者將禍

是務去而速之無乃不可乎弗聽其子厚與州吁游禁

之不可桓公立乃老

隱四年州吁弑桓公而自立厚從州吁如陳石碣使告于陳而皆殺

之立公子晉是為宣公

魯臧僖伯諫觀魚

隱公五年

辭義堅正有典有則

西山真德秀曰按僖伯所陳皆

先王之典法人君一遊一豫其

可輕也哉

五年春公將如棠觀魚者臧僖伯諫曰凡物不足以講

大事

臧僖伯公子彊也大事祀與戎

其材不足以備器用則君不舉焉

材謂皮革齒牙骨角毛羽也器用軍國之器

君將納民於軌物者也故講事

以度軌量謂之軌取材以章物采謂之物不軌不物謂

康侯胡安國曰

諸侯非王事不

出非民事不出

今隱公慢棄國

政遠事遠遊傷

伯之忠言不見

納又從而為之

辭是縱欲而不

能自克以禮也

臣馮黯曰吐辭

典賡莊雅鏗然

作金石聲

臣英曰納民執
物一句為一篇

之亂政亂政亟行所以敗也

軌法也物采也可法謂之軌可采謂之物

故春

蒐夏苗秋獮冬狩

蒐索擇取不孕者苗為苗除害也獮殺也順秋氣也狩圍守也冬物畢成

獲則皆於農隙以講事也三年而治兵入而振旅

雖四時講

武猶復三年而大習出曰治兵始治其事入曰振旅治兵禮畢整衆而還振整也旅衆也歸而飲至

以數軍實

飲於廟以數車徒器械及所獲也

昭文章明貴賤辨等列順

少長習威儀也鳥獸之肉不登於俎皮革齒牙骨角毛

羽不登於器則公不射古之制也若夫山林川澤之實

器用之資皂隸之事官司之守非君所及也公曰吾將

之主文全從此
立論氣格端重
色澤濃緜

一篇之中論斷多
於序事是史家又
一格歐陽五代諸
傳每得此法

永心業通曰周
任去惡之論蓋
謂自心與行事
罪過處當力鋤
治斷絕使善道
日增長後世反

略地焉

略總攝巡行之名

遂往陳魚而觀之僖伯稱疾不從書

曰公矢魚于棠

失亦陳也

非禮也且言遠地也

鄭伯侵陳

隱公六年

五月庚申鄭伯侵陳大獲

大獲俘馘

往歲鄭伯請成於陳

成猶

平陳侯不許五父諫曰

五父陳公子佗

親仁善隣國之寶也君

其許鄭陳侯曰宋衛實難

可畏難也

鄭何能為遂不許君子

曰善不可失惡不可長其陳桓公之謂乎長惡不悛從

自及也

悛止也從隨也

雖欲救之其將能乎商書曰惡之易也

施之於人豈惟不能去惡又助惡矣

臣乾學曰陳侯昧于親仁善隣之義所謂長惡自及也左氏辭義嚴正垂戒切矣

鄭莊公入人之國而不利其土地雖怵於齊魯猶然能以私自克者君子許其有禮亦善長之義也

如火之燎於原不可鄉邇其猶可撲滅言不可撲滅周任有

言曰周任周大夫

為國家者見惡如農夫之務去草焉芟夷

蘊崇之絕其本根勿使能殖則善者信矣

芟刈也夷殺也蘊積也崇

聚也。芟所銜反蘊紆粉反

鄭伯命大夫百里居許隱公十一年

夏公會鄭伯于邾謀伐許也

邾鄭地許姜姓堯四岳伯夷之後

鄭伯將

伐許五月甲辰授兵於大宮

大宮鄭祖廟也蓋授兵車於祖廟也凡出師必告於

祖廟而奉遷廟之主以行公孫闕與賴考叔爭車

公孫闕鄭大夫賴考叔挾

敬所王宗沐曰
詳覽莊公之言
不敢以許自滿
功似讓能況能
久有許似反已
況能裡祀許似
慮患吾其能與
許爭似憂遠然
其卒曰不惟許
之為亦聊以固
吾圉也則自為
自利之心不覺
自發露矣要之
殘忍陰忌莊公

輒以走

輒車轅也

子都拔棘以逐之

子都公孫闕棘戟也

及大達弗及

子都怒

達道方軌也

秋七月公會齊侯鄭伯伐許庚辰傅于

許賴考叔取鄭伯之旗蝥弧以先登

蝥弧旗名。蝥亡侯反

子都

自下射之顛瑕叔盈又以蝥弧登

瑕叔盈鄭大夫

周麾而呼曰

君登矣鄭師畢登壬午遂入許許莊公奔衛齊侯以許

讓公公曰君謂許不共故從君討之許既伏其罪矣雖

君有命寡人弗敢與聞乃與鄭人鄭伯使許大夫百里

奉許叔以居許東偏

東偏東鄙也

曰天禍許國鬼神實不逞

本性不愛於段
何愛於許

臣英曰討貳舍
服文能道情遂
若衷言

臣士奇曰處遠
憂深周詳婉至
守國之權謀修
辭之上品

於許君而假手於我寡人寡人唯是一二父兄不能共

億其敢以許自為功乎寡人有弟不能和協而使餬其

口於四方

弟共叔段
也餬餬也

其況能久有許乎吾子其奉許叔

以撫柔此民也吾將使獲也佐吾子

公孫獲
鄭大夫

若寡人得

沒於地天其以禮悔禍於許無寧茲許公復奉其社稷

無寧
寧也

唯我鄭國之有請謁焉如舊昏媾其能降以相從

也無滋他族實偏處此以與吾鄭國爭此土也吾子孫

其覆亡之不暇而況能禋祀許乎

潔齊以享
謂之禋

寡人之使

臣叔元曰命許
大夫之言回環
微婉今讀者不
復知其情之謫
詞今之妙足絕
千古

吾子處此不唯許國之為亦聊以固吾圉也乃使公孫
獲處許西偏曰凡而器用財賄無實於許我死乃亟去
之吾先君新邑於此王室而既卑矣周之子孫日失其
序夫許大岳之胤也天而既厭周德矣吾其能與許爭
乎君子謂鄭莊公於是乎有禮禮經國家定社稷序民
人利後嗣者也許無刑而伐之服而舍之度德而處之
量力而行之相時而動無累後人可謂知禮矣鄭伯使
卒出玃音加行出犬難以詛射賴考叔者君子謂鄭莊公

典贍之中安致蔚
然呂東萊所謂從
容委曲辭不迫而
意獨切至者此類
是也

失政刑矣政以治民刑以正邪既無德政又無威刑是
以及邪邪而詛之將何益矣

魯臧哀伯諫納部鼎

桓公二年

夏四月取部大鼎于宋

宋子姓微子啓之後部大鼎部國所造器也宋華父督弑瑒公

立莊公以

戊申納于大廟非禮也臧哀伯諫曰

臧哀伯僖伯之

子名

君人者將昭德塞違以臨照百官猶懼或失之故

昭令德以示子孫是以清廟茅屋大路越席

大路玉路祀天車也

越席結草。越戶括反。

大羹不致

大羹肉汁不致五味

粢食不鑿

黍稷曰粢不青鑿

欽定四庫全書

御選古文淵鑒 卷一

昭其儉也衮冕黻珽衮畫衣也冕冠也黻韋帶裳幅舄

西山真德秀曰桓公本以弑立

帶革帶也衣下曰裳幅若今行膝者舄履履○幅音逼

故不復知宋君弑立之惡也哀

從下而上者緹冠上覆○紃多敢反絃獲耕反緹音延

伯之言始若平緩至滅德立違

鞞藻率以韋為之所以藉玉也鞞佩刀削上飾鞞下飾○率劣戌反鞞補項反鞞布孔反

以後乃始句句激切論事體當

纓鞶紳帶也屬大帶之垂者游旌旗之游纓在馬膺前○鞶步干反游音畱

如是

數火龍黼黻火畫火也龍畫龍也白與黑謂之黼形若火龍黼黻斧黑與青謂之黻兩已相戾此上衣下裳

之昭其文也以文章明貴賤五色比象昭其物也車服器械之

比象天地四方示器物不虛設錫鸞和鈴昭其聲也錫在馬額鸞在鑣和在衡鈴在旃動

東萊呂祖謙曰
新闢之盜人不
責其穿窬極公
試君墓國曾無
忤色何有於亂
人之一鼎乎宜
其說之不內也

臣杜訥曰議論
警策章法通緊
在左氏集中尤
見峭拔古腴之

皆有鳴聲
○錫音揚

三辰旂旗昭其明也

三辰日月星也畫於旂旗象天之明

夫德

儉而有度登降有數文物以紀之聲明以發之以昭臨
百官百官於是乎戒懼而不敢易紀律令滅德立違而
寘其賂器於大廟以明示百官百官象之其又何誅焉
國家之敗由官邪也官之失德寵賂章也部鼎在廟章
孰甚焉武王克商遷九鼎於維維邑義士猶或非之而況
將昭違亂之賂器於大廟其若之何公不聽周內史聞
之曰臧孫達其有後於魯乎君違不忘諫之以德

內史周大

已

季良在而楚不敢
伐隨宮之奇行而
晉即舉虞合二國
之事觀之可以見
用賢之效矣

東萊呂祖謙曰
伯比一毀軍而
納少師辟猶置
毫末之毒於其

夫官也僖伯諫觀魚其子哀
伯諫納鼎故曰有後於魯

隨季梁勸修政

桓公六年

楚武王侵隨

楚牛姓其先鬻熊事周文王至成王時封其曾孫熊繹于楚傳至熊通僭稱武王隨

姬姓

使薳章

楚大夫。薳于委反。

求成焉軍於瑕以待之

瑕隨地

隨

人使少師董成

少師隨官名董正也正二國之成

鬬伯比言於楚子曰

鬬伯比楚大夫令尹子文之父

吾不得志於漢東也我則使然我張吾

三軍而被吾甲兵以武臨之彼則懼而協以謀我故難

間也漢東之國隨為大隨張必棄小國小國離楚之利

心而使隨之君
臣自勝自負自
子自奉如輪如
機不得少息而
吾拱手以制其
斃焉雖事往迹
湮而讀者猶不
知其端倪也

水心紫適曰李
梁官之奇士會
晏嬰語略同所
謂馨香無諛惠
真古人之格言
咸周典聖未遠

也

張自侈大也

少師侈請羸師以張之

羸弱也。羸劣追反。

熊率且比

曰

楚大夫。率音律。且子余反。

李梁在

隨賢臣

何益鬬伯比曰以為後

圖少師得其君王毀軍而納少師少師歸請追楚師隨

侯將許之季梁止之曰天方授楚楚之羸其誘我也君

何急焉臣聞小之能敵大也小道大淫所謂道忠於民

而信於神也上思利民忠也祝史正辭信也令民餒而

君逞欲祝史矯舉以祭

詐稱功德以欺鬼神

臣不知其可也公曰

吾牲牷肥腍

腍徒忍反

粢盛豐備何則不信

牲純色完全也腍亦肥也黍稷

也

臣岳頌曰先成民而後致力於神即孔子務民義敬鬼神之意為千古立國要言

曰 漆在 對曰夫民神之主也是以聖王先成民而後致

力於神故奉牲以告曰博碩肥腍謂民力之普存也謂

其畜之碩大蕃滋也謂其不疾癘蠱也

皮毛無疥癬。癘七木反蠱力

果 謂其備腍咸有也奉盛以告曰絜粢豐盛謂其三時

不害而民和年豐也奉酒醴以告曰嘉栗旨酒

嘉善也。栗謹敬

也 謂其上下皆有嘉德而無違心也所謂馨香無譏慝

也故務其三時修其五教親其九族

九族高祖至玄孫之親 以致

其禋祀於是乎民和而神降之福故動則有成今民各

戰勝而驕者必敗
讀此可以知兵

有心而鬼神之主君雖獨豐其何福之有君姑修政而親兄弟之國庶免於難隨侯懼而修政楚不敢伐

楚屈瑕伐羅

桓公十三年

十三年春楚屈瑕

楚大夫

伐羅

羅熊姓國在宜城縣

鬬伯比送之還

謂其御曰莫敖必敗

莫敖楚官名即屈瑕

舉趾高心不固矣遂見

楚子曰必濟師楚子辭焉入告夫人鄧曼鄧曼曰大夫

其非衆之謂其謂君撫小民以信訓諸司以德而威莫

敖以刑也莫敖狃於蒲騷之役將自用也

桓十一年莫敖敗鄖於蒲

臣熙曰轉折有
致勁而能婉末
後綴足前意略
增數字結尾一
掉無限烟波

騷狃
怵也

必小羅君若不鎮撫其不設備乎夫固謂君訓衆

而好鎮撫之名諸司而勸之以令德見莫敖而告諸天

之不假易也

言天不借貸
慢易之人

不然夫豈不知楚師之盡行

也楚子使賴人追之不及

賴國在義
陽隨縣

莫敖使徇於師曰

諫者有刑及鄢

鄢水在襄陽
宜城縣入漢

亂次以濟遂無次且不設

備及羅羅與盧戎兩軍之大敗之莫敖縊於荒谷羣帥

囚於冶父

荒谷治父
皆楚地

以聽刑楚子曰孤之罪也皆免之

魯齊長勺之戰

莊公十年

兵法貴知彼知己
此篇約略盡之

水心葉連曰類
考叔曹劌燭之
武皆自草莽起
以人材見於春
秋左氏載劌皆
忠信禮義之詞
後世雖說始有
盟柯却齊桓事
司馬遷遂列於
刺客之首是時

十年春齊師伐我公將戰曹劌

魯人請見劌古

衛反其鄉人曰

肉食者謀之又何間焉

肉食謂在位有祿食肉者
間猶廁也又何必廁其間劌曰

肉食者鄙未能遠謀乃入見問何以戰公曰衣食所安

弗敢專也必以分人對曰小惠未徧民弗從也公曰犧

牲玉帛弗敢加也必以信對曰小信未孚神弗福也公

曰小大之獄雖不能察必以情對曰忠之屬也可以一

戰戰則請從公與之乘戰於長勺公將鼓之劌曰未可

齊人三鼓劌曰可矣齊師敗績公將馳之劌曰未可下

東遷未百年人
材雖陋未至便
為刺客運考之
不詳也
臣足敬曰詳整
有法文家矩矱

觀獻公之行事雖
非驪姬二五亦無
不亂之理此人事
亦天道也

視其轍登軾而望之曰可矣遂逐齊師既克公問其故
對曰夫戰勇氣也一鼓作氣再而衰三而竭彼竭我盈
故克之夫大國難測也懼有伏焉吾視其轍亂望其旗
靡故逐之

晉獻公嬖驪姬莊公二十八年

晉獻公娶于賈無子

晉姬姓武王子成王弟
唐叔虞之後賈姬姓國

烝於齊姜

生秦穆夫人及太子申生又娶二女於戎大戎

唐叔子
孫別在

戎狄
者 狐姬生重耳小戎子

允姓
之戎 生夷吾晉伐驪戎

驪戎
姬姓

臣德宣曰諶諧
之入必探君之
情而曲中之二
五之言甘而易
悅潛移國本此
小雅巷伯所為
絕痛也

驪戎男女以驪姬

納女於人曰女

歸生奚齊其娣生卓子驪姬

嬖欲立其子賂外嬖梁五與東闕嬖五

姓梁名五在閭闕之外者東闕

嬖五別在闕塞者亦名五皆大夫為獻公所嬖幸

使言於公曰曲沃君之宗也

曲沃桓叔所封先君宗廟所在

蒲與二屈君之疆也

蒲平陽蒲子縣二屈平陽北屈縣或

曰二當為北

不可以無主宗邑無主則民不威疆場無主則

啓戎心戎之生心民慢其政國之患也若使大子主曲

沃而重耳夷吾主蒲與屈則可以威民而懼戎且旌君

伐使俱曰

又使二人合辭而稱美其事

狄之廣莫於晉為都晉之啓

土不亦宜乎

廣莫狄地之曠絕也即謂蒲子北屈也言遣二公子出都之則晉方當大開土界

晉侯說之夏使太子居曲沃重耳居蒲城夷吾居屈羣

公子皆鄙

鄙邊邑

唯二姬之子在絳

絳邑名晉所都

二五卒與驪

姬譖羣公子而立奚齊晉人謂之二五耦

二耦相耦廣一尺共起一

堡言二人俱共鑿傷晉室僖四年驪姬譖殺申生重耳奔翟夷吾奔梁

晉獻公使太子申生伐東山臯落氏閔公二年

晉侯使太子申生伐東山臯落氏

赤狄別種也臯落其氏族

里克諫

曰里克晉

太子奉冢祀社稷之粢盛以朝夕視君膳者

申生之禍機牙已成雖無偏衣金玦其得免乎左氏雜引諸臣之言變化

錯綜文特古藻

東萊呂祖謙曰
里克告父以慈
告子以孝其處
父子之間可謂
至矣其後驪姬
殺申生之謀已
成憚克而未敢
發使優施以動
之而克乃曰吾
其中事乎夫兩
刃之下人不
足克守前術而

也故曰冢子君行則守有守則從從曰撫軍守曰監國
古之制也夫帥師專行謀誓軍旅君與國政之所圖也
非大子之事也師在制命而已稟命則不威專命則不
孝故君之嗣適不可以帥師君失其官帥師不威將焉
用之且臣聞臯落氏將戰君其舍之公曰寡人有子未
知其誰立焉不對而退見大子大子曰吾其廢乎對曰
告之以臨民謂居曲沃教之以軍旅謂將下軍不共是懼何故廢
乎且子懼不孝無懼弗得立修已而不責人則免於難

應後勢宜其敗也

臣英曰晉獻公只因寡人有子一語遂使境間窺伺中生獲戾觀其諸臣聚謀懼而不怨怨而不叛至今讀之猶有淒風寒雨

大子帥師

晉作上下二軍大子本將下軍今代公將上軍

公衣之偏衣

偏衣左右異色

其半似公服

佩之金玦

玦如環而不連以金飾狐突御戎先友為之為偏衣之佩飾

為右

狐突重耳外祖父也為申生御申生以大子而將上軍

梁餘子養御罕夷先

丹木為右

罕夷晉下軍卿也梁餘子養為罕夷御

羊舌大夫為尉

羊舌大夫晉之

公族叔向之祖父

先友曰衣身之偏

偏半也

握兵之要

謂佩金玦將上軍

在此行也子其勉之偏躬無慝兵要遠災親以無災又

何患焉狐突歎曰時事之徵也衣身之章也佩衷之旗

也故敬其事則命以始

賞以春夏服其身則衣之純必以純色為服

之色

臣笑曰諸大夫多勸中生去然捐階掩井碎亦安之矣故西銘曰無所逃而待烹中生其恭也

用其衷則佩之度

衷中也佩玉者士君子常德

今命以時卒閱其事

也

冬十二月閏盡之時

衣之危服遠其躬也

危雜色○危莫江反

佩以金珌

棄其衷也服以遠之時以閱之危涼冬殺金寒珌離胡

可恃也雖欲勉之狄可盡乎梁餘子養曰帥師者受命

於廟受脤於社

脤宜社之內盛以脤器

有常服矣不獲而危命可

知也死而不孝不如逃之罕夷曰危奇無常金珌不復

雖復何為君有心矣先丹木曰是服也狂夫阻之

阻疑也

曰盡敵而反敵可盡乎雖盡敵猶有內讒不如違之

違去

臣士奇曰辛伯
所論四事是千
古亂源左氏特
為拈出

楚勢日強名陵一
盟而僥首聽命齊

也狐突欲行羊舌大夫曰不可違命不孝棄事不忠雖

知其寒惡不可取子其死之太子將戰狐突諫曰不可

昔辛伯

周大

諗周桓公

名黑肩諗告也

云內寵並后外寵二政

嬖子配適大都耦國亂之本也周公弗從故及於難今

亂本成矣立可必乎孝而安民子其圖之

奉身為孝不戰為安民

與其危身以速罪也

有功並見害故言孰與危身以名罪

楚屈完對齊侯

僖公四年

四年春齊侯以諸侯之師侵蔡蔡潰遂伐楚楚子使與

桓屈服之功大矣

西山真德秀曰
齊不責楚之僭
王而顧責以不
必責何哉蓋齊
之內失德而外
失義者多矣我
以大惡責之彼
必斥吾之惡以
對豈不為諸侯
羞哉舍其所當
責而及其不必
責庶幾楚人不
盡力以抗我而
亦可以不勞而

師言曰君處北海寡人處南海唯是風馬牛不相及也

楚界猶未至南海因齊處北海遂稱所
近牛馬風逸蓋末界之微事故以取喻
不虞君之涉吾

地也何故管仲齊大夫對曰昔召康公命我先君大公

曰五侯九伯女實征之以夾輔周室五等諸侯九州之伯皆得征討其罪

賜我先君履東至于海西至于河南至于穆陵北至于

無棣履所履踐之界淮南有故穆陵關是楚之境無棣在遼西孤竹爾貢包茅不入王

祭不共無以縮酒寡人是徵包裏束也茅菁茅也束茅而灌之以酒為縮酒尚書

包匭菁茅昭王南征而不復寡人是問昭王成王之孫南巡狩涉漢船壞而溺

成功矣

晦庵朱熹曰諸侯有罪則天子討而正之故春秋每書諸侯戰伐之事必加譏貶以著其擅興之罪無有以為合於義而許之者但就中彼善於此者則有之召陵之師之類是也臣正治曰伐楚一役是春秋大

對曰貢之不入寡君之罪也敢不共給昭王之不復君

其問諸水濱師進次于陘夏楚子使屈完如師師退次

于召陵齊侯陳諸侯之師與屈完楚大夫乘而觀之齊

侯曰豈不穀諸侯謙稱是為先君之好是繼與不穀同好如

何對曰君惠徼福於敝邑之社稷辱收寡君寡君之願

也齊侯曰以此衆戰誰能禦之以此攻城何城不克對

曰君若以德綏諸侯誰敢不服君若以力楚國方城以

為城漢水以為池方城山在南陽葉縣南漢水出武都至江夏南入江雖衆無所

舉然不責楚以
僭王而問王祭

此伯功之所為

卑也

前段文勢緊峭後
段藻色紛披

用之屈完及諸侯盟

宮之奇諫假道僖公五年

晉侯復假道於虞以伐虢

虞仲雍之後虢虢叔之後皆
姬姓僖二年晉假道於虞伐

虢滅下陽
故言復

宮之奇

虞忠臣

諫曰虢虞之表也虢亡虞必從

之晉不可啟寇不可翫一之為甚其可再乎

為二年假
晉道滅下

陽諺所謂輔車相依唇亡齒寒者其虞虢之謂也

輔車
輔頰

牙公曰晉吾宗也豈害我哉對曰大伯虞仲大王之昭

也大伯不從是以不嗣虢仲虢叔王季之穆也為文王

臣愚曰侃侃鑒
鑒往復盡情無
一懈筆

臣愚敬曰叙宮
之奇諫語甚深

卿士勲在王室藏於盟府

盟府司官

將號是滅何愛於虞

且虞能親於桓莊乎其愛之也桓莊之族何罪而以為

戮不唯偏乎

桓叔莊伯之族晉獻公之從祖昆弟獻公患其偏盡殺之

親以寵偏猶

尚害之況以國乎公曰吾享祀豐潔神必據我

據猶安也對

曰臣聞之鬼神非人實親惟德是依故周書曰皇天無

親惟德是輔

書蔡仲之命

又曰黍稷非馨明德惟馨

書君陳

又

曰民不易物惟德繫物

書旅

如是則非德民不和神不

享矣神所馮依將在德矣若晉取虞而明德以薦馨香

峭與公穀合看
始知左氏文筆
之妙

臣莫曰奇諫
矣不聽而逃不
失為忠孟子之
智百里奚特辨
食牛之妄耳奚
實愧奇也

神其吐之乎弗聽許晉使宮之奇以其族行曰虞不臘

矣

臘歲終祭
衆神之名

在此行也晉不更舉矣八月甲午晉侯圍

上陽

上陽號國都在
弘農陝縣東南

問於卜偃

晉掌卜
大夫

曰吾其濟乎對

曰克之公曰何時對曰童謠云丙之晨龍尾伏辰

龍尾
尾星

也日月之會曰辰日
在尾故尾星伏不見

均服振振取號之旂

戎事上下同
服振振盛貌

旂軍之
旌旗

鶉之賁賁天策煇煇火中成軍號公其奔

鶉鶉
火星

也賁賁鳥星之體也天策傳說星時近日星微煇
煇無光耀也言丙子平旦鶉火中軍事有成功也

其九

月十月之交乎

謂夏之九月十月
之交晦朔交會

丙子旦日在尾月在

策

是夜日月合朔於尾月行疾故至旦而過在策

鶉火中必是時也冬十二月

丙子朔晉滅虢虢公醜奔京師師還館於虞遂襲虞滅

之執虞公及其大夫井伯

即百里奚以媵秦穆姬晉獻公女為秦穆公

夫而修虞祀且歸其職貢於王故書曰晉人執虞公罪

虞且言易也

齊管仲論受鄭子華

僖公七年

於台陵見君臣之義明焉於寧母見父子之倫正焉左氏於此二事敘致

秋盟于甯母謀鄭故也管仲言於齊侯曰臣聞之招攜以禮懷遠以德德禮不易無人不懷齊侯修禮於諸侯

特詳所謂好惡與聖人同也

東萊呂祖謙曰
觀此見得管仲
猶有三代氣象
其曰君若綏之
以德云云此等
言語蓋嘗聞先
生長者之餘論
惜其急於功利
俯首以就桓公
自小之耳
元德張洽曰傳
言齊侯困管仲
之言而修禮於
諸侯不受鄭世

諸侯官受方物

諸侯官司各於齊受其方所當貢天子之物

鄭伯使太子華

聽命於會言於齊侯曰洩氏孔氏子人氏三族實違君

命

三族鄭大夫

若君去之以為成我以鄭為內臣君亦無所

不利焉齊侯將許之管仲曰君以禮與信屬諸侯而以

姦終之母乃不可乎子父不奸之謂禮守命共時之謂

信違此二者姦莫大焉公曰諸侯有討於鄭未捷今苟

有覺從之不亦可乎對曰君若綏之以德加之以訓辭

而帥諸侯以討鄭鄭將覆亡之不暇豈敢不懼若總其

子為內臣之請
以見管仲之於
桓公正救多矣

臣鴻緒曰齊桓
力非不强卒以
德禮服鄭可為
得制勝之本

罪人以臨之

總將領也

鄭有辭矣何懼且夫合諸侯以崇德

也會而列姦何以示後嗣夫諸侯之會其德刑禮義無

國不記記姦之位君盟替矣作而不記非盛德也

君舉必書

雖復齊史隱諱亦損盛德

君其勿許鄭必受盟夫子華既為太子而

求介於大國以弱其國亦不免

介因也

鄭有叔詹堵叔

師叔三良為政未可間也齊侯辭焉子華由是得罪於

鄭冬鄭伯使請盟於齊

僖十六年鄭殺子華

晉秦韓之戰

僖公十五年

韓之戰其曲在晉
秦獲晉侯而因晉
人之憂感秦歸而
禮之穆公於是乎
有君人之度矣

晉侯之入也

僖九年秦納晉惠公

秦穆姬屬賈君焉

賈君晉獻公次妃賈女也

且曰盡納羣公子

羣公子晉武獻之族驪姬之亂詛無畜羣公子

晉侯烝於賈

君又不納羣公子是以穆姬怨之晉侯許賂中大夫

中大夫

夫國內執政里平等既而皆背之賂秦伯以河外列城五東盡虢

略南及華山內及解梁城既不與

河外河南也東盡虢略從河南而東

盡虢界也解梁城河東解縣也華山在弘農華陰縣西南晉饑秦輸之粟秦饑晉閉

之糴故秦伯伐晉卜徒父筮之吉

徒父秦之掌龜卜者

涉河侯車

敗詰之對曰乃大吉也三敗必獲晉君其卦過蠱



巽下艮

曰千乘三去三去之餘獲其雄狐夫狐蠱必其

君也

千乘諸侯也言千乘三度敗去之後獲其孤之雄者

蠱之貞風也其悔山也

內卦為貞外卦為悔巽為風秦象艮為山晉象

歲云秋矣我落其實而取其材

所以克也

周九月夏之七月孟秋也艮為山山有木令歲已秋風吹落山木之實則材為人所取

實落材亡不敗何待三敗及韓

晉地

晉侯謂慶鄭

慶鄭晉大夫

臣熙曰叙晉侯背施棄親違卜致敗次第井然似碎實整讀之惟恐其盡

右慶鄭吉弗使步揚

卻犇之父

御戎家僕徒為右乘小馬鄭

入也慶鄭曰古者大事必乘其產生其水土而知其人

心安其教誨而服習其道唯所納之無不如志今乘異

產以從戎事及懼而變將與人易亂氣狡憤陰血周作

張脈僨興外彊中乾

○狡戾也僨動也
○僨方問反

進退不可周旋不

能君必悔之弗聽九月晉侯逆秦師使韓簡視師

韓簡
晉大

大韓萬
之孫

復曰師少於我鬪士倍我公曰何故對曰出因

其資

謂奔梁
求秦

入用其寵

為秦
所納

饑食其粟三施而無報是

以來也今又擊之我急秦奮倍猶未也公曰一夫不可

狃況國乎遂使請戰曰寡人不佞能合其衆而不能離

也君若不還無所逃命秦伯使公孫枝

秦大夫子桑

對曰君

之未入寡人懼之入而未定列猶吾憂也苟列定矣敢

不承命韓簡退曰吾幸而得囚壬戌戰於韓原晉戎馬

還寧而止公號慶鄭慶鄭曰復諫違卜固敗是求又何

逃焉遂去之梁由靡御韓簡號射為右輅秦伯將止之

輅迎也止獲也

鄭以救公誤之遂失秦伯秦獲晉侯以

歸晉大夫反首拔舍從之

反首髮下垂也拔草舍止壞形毀服

秦伯使辭

焉曰二三子何其感也寡人之從君而西也亦晉之妖

正治曰戰韓之舉秦直晉曲於敗也宜不必又撫之占矣

夢是踐豈敢以至

僖十年晉狐突遇太子曰夷吾無禮余得請於帝矣將以晉畀秦狐

突不寐而與神言故謂之妖

晉大夫三拜稽首曰君履

后土而戴皇天皇天后土寶聞君之言羣臣敢在下風

穆姬聞晉侯將至以太子瑩弘

瑩康公名弘其母弟也

與女簡璧

簡璧瑩弘姊妹

登臺而履新焉使以免服衰經逆且告曰上天

降災使我兩君匪以玉帛相見而以興戎若晉君朝以

入則婢子夕以死夕以入則朝以死唯君裁之乃舍諸

靈臺

在京兆鄠縣周之故臺

大夫請以入公曰獲晉侯以厚歸也

既而喪歸焉用之大夫其何有焉

何有猶

且晉人感憂

以重我天地以要我不圖晉憂重其怒也我食我言背

天地也重怒難任背天不祥必歸晉君公子紕曰不如

殺之無聚慝焉

公子紕秦大夫

子桑曰

即公孫枝

歸之而質其大子

必得大成晉未可滅而殺其君祇以成惡且史佚有言

曰

史佚周武王時大史名佚

無始禍無怙亂無重怒重怒難任陵人

不祥乃許晉平晉侯使卻乞告瑕呂飴甥且召之

卻乞晉大

夫也瑕呂飴甥即呂甥姓呂

子金教之言曰朝國人而

瑕其邑名名飴甥字子金

臣乾學曰晉大夫反首髮舍哀痛之誠上感皇天后土僅而得濟田單之存齊種蠱之霸越狐偃諸臣之興晉皆以孤忠克成奇烈

以君命賞且告之曰孤雖歸辱社稷矣其卜貳圉也

貳代

也圉惠公
大子懷公

衆皆哭晉於是乎作爰田

分公田之稅應入
公者爰之於所賞

之衆爰
易也

呂甥曰君亡之不恤而羣臣是憂惠之至也將

若君何衆曰何為而可對曰征繕以輔孺子

征賦也繕
治也孺子

大子
圉

諸侯聞之喪君有君羣臣輯睦甲兵益多好我者

勸惡我者懼庶有益乎衆說晉於是乎作州兵

五黨為
州州二

千五百家也因此又
使州長各繕甲兵

晉陰飴甥對秦伯

僖公十五年

鮎甥立言之妙能使秦伯降心以從千古第一詞令也

臣德宜曰呂甥之立子圉與明子謙之立鄭王意同使敵不得扶質以要我也

十月晉陰鮎甥會秦伯盟于王城

即呂甥也食采於陰王城秦地馮翊臨晉

縣東有王城

秦伯曰晉國和乎對曰不和小人恥失其君而

悼喪其親不憚征繕以立圉也曰必報讐寧事戎狄君子愛其君而知其罪不憚征繕以待秦命曰必報德有死無二以此不和秦伯曰國謂君何對曰小人感謂之不免君子恕以為必歸小人曰我毒秦秦豈歸君君子曰我知罪矣秦必歸君貳而執之服而舍之德莫厚焉刑莫威焉服者懷德貳者畏刑此一役也秦可以霸納

而不定廢而不立以德為怨秦不其然秦伯曰是吾心

也改館晉侯饋七牢焉

牛羊豕各一為一牢

蛾析

蛾析晉大夫

謂慶鄭

曰盍行乎對曰陷君於敗敗而不死又使失刑非人臣

也臣而不臣行將焉入十一月晉侯歸丁丑殺慶鄭而

後入是歲晉又饑秦伯又餽之粟

餽猶饋也

曰吾怨其君而

矜其民且吾聞唐叔之封也箕子曰其後必大晉其庸

可冀乎姑樹德焉以待能者於是秦始征晉河東置官

司焉

秦置官司以征河東之賦即惠公許賂河外列城五之地

宋楚泓之戰

僖公二十二年

宋襄公於鄆子而不忍於二毛謂之

曰仁吾不信也公羊擬以文王之戰謬矣

元德張洽曰春秋以襄公主是戰則知聖人罪其愼諫求欲昧大義而徇小節以取敗國殄民

楚人伐宋以救鄭

是年三月宋襄公伐鄭

宋公將戰大司馬固諫

曰

大司馬即司馬子魚也固諫堅辭以諫也

天之棄商久矣君將興之弗可

赦也已弗聽冬十一月己巳朔宋公及楚人戰於泓宋

人既成列楚人未既濟司馬曰

子魚也名目夷襄公庶兄

彼衆我寡

及其未既濟也請擊之公曰不可既濟而未成列又以

告公曰未可既陳而後擊之宋師敗績公傷股門官殲

焉

門官守門者

國人皆咎公公曰君子不重傷不禽二毛

二毛

自及其身之禍

臣鴻緒曰宋襄公不務修德而欲以力爭諸侯已為禍基即使子魚之言一戰而勝楚亦終不能霸也

頭白有古之為軍也不以阻隘也

不因阻隘以求勝

寡人雖亡

國之餘不鼓不成列子魚曰君未知戰勅敵之人隘而

不列天贊我也阻而鼓之不亦可乎猶有懼焉

雖因阻擊之猶

恐不勝

且今之勅者皆吾敵也雖及胡者獲則取之何有

於二毛

胡者元老之稱

明恥教戰求殺敵也

明設刑戮以恥不果

傷未及

死如何勿重

言尚能害已

若愛重傷則如勿傷愛其二毛則

如服焉三軍以利用也金鼓以聲氣也利而用之阻隘

可也聲盛致志鼓儵可也

儵巖未整陳○儵仕街反

敘晉重耳出亡本末 僖公二十三年

從十九年所曆各國之事而合叙之貫穿簡括此史家列傳體所從出

晉公子重耳之及于難也晉人伐諸蒲城

重耳奔蒲晉獻公使伐蒲

事在僖五年

蒲城人欲戰重耳不可曰保君父之命而享其

生祿於是乎得人有人而校罪莫大焉

校報也

吾其奔也

遂奔狄從者狐偃

狐突伯行之子字子犯

趙衰

夙弟字子餘

顛頡魏武

子

名犢畢萬封于魏犢其後也

司空季子

晉臣白季也

狄人伐廐咎如

廐咎

如赤狄之別種隗姓○廐在良反咎古刀反隗五罪反

獲其二女叔隗季隗納諸

公子公子取季隗生伯儵叔劉

儵直由反

以叔隗妻趙衰生

臣正治曰文公
出三備嘗艱阻
而反國之後則
禍心隆怨左氏
備書殆有以也

盾將適齊謂季隗曰待我二十五年不來而後嫁對曰

我二十五年矣又如而是而嫁則就木焉請待子處狄十

二年而行過衛衛文公不禮焉出於五鹿

五鹿衛地衛縣西北有地

名五鹿陽平元城縣東亦有五鹿

乞食於野人野人與之塊公子怒欲

鞭之子犯曰天賜也稽首受而載之及齊齊桓公妻之

有馬二十乘公子安之從者以為不可將行謀於桑下

蠶妾在其上以告姜氏姜氏殺之而謂公子曰子有四

方之志其聞之者吾殺之矣公子曰無之姜曰行也懷

與安實敗名公子不可姜與子犯謀醉而遣之醒以戈

逐子犯及曹

曹姬姓文王之子曹叔振鐸之後

曹共公聞其駢脅欲觀

其裸浴薄而觀之

薄迫也駢合也脅肋也蓋腋下肋骨合比

僖負羈

曹大夫

之

妻曰吾觀晉公子之從者皆足以相國若以相夫子必

反其國反其國必得志於諸侯得志於諸侯而誅無禮

曹其首也子盍蚤自貳焉

自貳自別異於曹

乃饋盤飧寘璧焉

公子受飧反璧及宋宋襄公贈之以馬二十乘及鄭鄭

文公亦不禮焉叔詹諫曰臣聞天之所啓人弗及也晉

公子有三焉天其或者將建諸君其禮焉男女同姓其
生不蕃晉公子姬出也而至於今一也離外之患而天
不靖晉國殆將啓之二也有三士足以上人而從之三

也

國語狐偃趙衰賈
佗三人皆卿材

晉鄭同儕其過子弟固將禮焉況

天之所啓乎弗聽及楚楚子饗之曰公子若反晉國則
何以報不穀對曰子女玉帛則君有之羽毛齒革則君
地生焉其波及晉國者君之餘也其何以報君曰雖然
何以報我對曰若以君之靈得反晉國晉楚治兵遇於

中原其辟君三舍

三十里為一舍

若不獲命其左執鞭弭右屬

橐韃以與君周旋

弭弓末無緣者橐以受箭韃以受弓屬著也。韃九言反

子玉

成得

臣乾學曰子玉請殺重耳與亞

父請殺沛公事

同然卒無有以

此罪楚子項王

者誠以其有君

人之度也

臣廷敬曰秦穆

晉文皆霸主也

懷嬴一事彼此

均失

臣也為請殺之楚子曰晉公子廣而儉文而有禮其從

者肅而寬忠而能力晉侯無親外內惡之吾聞姬姓唐

叔之後其後衰者也其將由晉公子乎天將興之誰能

廢之違天必有大咎乃送諸秦秦伯納女五人懷嬴與

焉秦所妻晉懷公妻奉匜沃盥既而揮之

匜沃盥器也揮湔也。匜以支反怒

曰秦晉匹也何以卑我公子懼降服而囚他日公享之

子犯曰吾不如衰之文也請使衰從公子賦河水

逸詩

義取河水朝宗於海喻秦

公賦六月

六月詩小雅道尹吉甫佐宣王征伐喻公子還晉必能匡王國

趙衰曰重耳拜賜公子降拜稽首公降一級而辭焉衰

曰君稱所以佐天子者命重耳重耳敢不拜

明年秦伯納之於晉

是為晉文公
遂霸諸侯

富辰諫襄王

僖公二十四年

鄭之入滑也

入滑在僖二十年

滑人聽命師還又即衛鄭公子

士洩堵俞彌

鄭大夫

帥師伐滑王使伯服游孫伯

二子周大夫

富辰欲王忍小忿以扞外侮亦自有見然至逆王命而執其使抑亦甚矣

不能申明君臣之大義而但以親親為言豈正論乎宜無以動王之聽也

如鄭請滑鄭伯怨惠王之入而不與厲公爵也

厲公納惠王事

在莊二十一年

又怨襄王之與衛滑也故不聽王命而執二子

王怒將以狄伐鄭富辰

周大夫

諫曰不可臣聞之太上以

德撫民其次親親以相及也昔周公弔二叔之不咸故

封建親戚以蕃屏周

弔傷也咸同也

管蔡邶霍魯衛毛聃郕雍

曹滕畢原鄆郕文之昭也

十六國皆文王子也管國在蔡陽京縣東北雍國在河內

山陽縣西畢國在長安縣西北鄆國在始平鄆縣東

邶晉應韓武之穆也

四國皆武王子

應國在襄陽城父縣西南韓國在河東郡界河內野王縣西北有邶城○邶音于

凡蔣邢茅胙

臣乾學曰襄王
不忍小忿以棄
懿親是從奸而
忘禍也故卒召
子帶之難當辰
諫詞可謂悲擊
矣

祭周公之肩也

肩嗣也蔣在弋陽期思縣高平昌邑
縣西有茅鄉東郡燕縣西南有胙亭名

穆公思周德之不類故糾合宗族於成周而作詩

類善也糾

收也名穆公周卿士名虎召采地扶風雍縣東南有召
亭周厲王之時周德衰微兄弟道缺召穆公於東都收

會宗族特作此周公之
樂歌常棣詩屬小雅曰常棣之華鄂不韡韡凡今之

人莫如兄弟其四章曰兄弟鬩于牆外禦其侮如是則

兄弟雖有小忿不廢懿親

懿美也

今天子不忍小忿以棄

鄭親其若之何庸勲親親暱近尊賢德之大者也

庸用也暱

親即聾從昧與頑用詈姦之大者也棄德崇姦禍之大

者也鄭有平惠之勲

平王東遷晉鄭是依惠王出奔虢鄭納之

又有厲宣之

親

鄭始封之祖桓公友周厲王之子宣王之母弟

棄嬖寵而用三良

殺嬖臣申侯寵子子

華三良叔詹堵叔師叔

於諸姬為近四德具矣耳不聽五聲之和

為聾目不別五色之章為昧心不則德義之經為頑口

不道忠信之言為囂狄皆則之四姦具矣周之有懿德

也猶曰莫如兄弟故封建之其懷柔天下也猶懼有外

侮扞禦侮者莫如親親故以親屏周召穆公亦云今周

德既衰於是乎又渝周召以從諸姦無乃不可乎民未

讀此等文字可見當時諸侯猶畏名義先王之澤未衰水心葉適曰展禽事僅一見無子產鋒銳之氣純於義理與事相麗意順詞正宜齊侯不戰而自卻也

忘禍王又興之其若文武何王弗聽使顏叔桃子

二子周大

夫出狄師

是年狄伐鄭取櫟尋奉王子帶攻襄王王出適鄭晉文公納王以定王室

魯展喜犒齊師

僖公二十六年

夏齊孝公伐我北鄙衛人伐齊洮之盟故也

洮盟在二十五年

公使展喜犒師使受命於展禽

使展喜受勞師之辭命於柳下惠

齊侯

未入竟展喜從之曰寡君聞君親舉玉趾將辱於敝邑

使下臣犒執事齊侯曰魯人恐乎對曰小人恐矣君子

則否齊侯曰室如縣罄野無青草何恃而不恐

如而也時夏四

月今之二月野物未成故言居室對曰恃先王之命昔而資糧縣盡在野則無蔬食之物周公大股肱周室夾輔成王成王勞之而賜之盟曰世世子孫無相害也載在盟府大師職之桓公是以糾合諸侯而謀其不協彌縫其闕而匡救其災昭舊職也及君即位諸侯之望曰其率桓之功我敝邑用不敢保聚曰豈其嗣世九年而棄命廢職其若先君何君必不然恃此以不恐齊侯乃還

臣叔元曰臨之以先王先公責之以棄命廢職使齊侯無所解免欲不還師得乎

晉文公始霸

僖公二十七年

晉為三軍謀帥而
必曰說禮樂敦詩
書以戰功取霸而
必曰文之教此等
議論識見非三代
以下人所及

水心葉適曰左
氏叙晉文公求
霸以信義禮行
之如醫用急藥
療急病一病必
應一藥孟子又

冬楚子及諸侯圍宋

楚成王

宋公孫固

宋莊公孫

如晉告急先

軫曰

晉下軍之佐原軫也

報施救患

報宋贈馬之施

取威定霸於是乎在

矣狐偃曰楚始得曹而新昏於衛若伐曹衛楚必救之

則齊宋免矣

前年楚使申叔侯戍穀以逼齊

於是乎蒐于被廬

被廬晉地

作

三軍謀元帥趙衰曰卻穀可臣亟聞其言矣說禮樂而

敦詩書詩書義之府也禮樂德之則也德義利之本也

夏書曰賦納以言明試以功車服以庸君其試之乃使

卻穀將中軍卻縠佐之使狐偃將上軍讓於狐毛

偃之兄

分別雖虞瞿瞿

仁山金履祥曰
按晉文公勤王
以示義伐原以
示信大蒐以示
禮所謂五霸假
之也然伯圖猶
有此後世併無
之矣

臣杜納曰禮義
信皆立國之大

而佐之命趙衰為卿讓於欒枝先軫使欒枝

貞子也欒
賓之孫

將下軍先軫佐之荀林父

中行
桓子

御戎魏犢為右晉侯始

入而教其民二年欲用之子犯曰民未知義未安其居

於是乎出定襄王

二十四年冬天王出居于鄭二
十五年晉侯逆王入于王城

入務

利民民懷生矣將用之子犯曰民未知信未宣其用於

是乎伐原以示之信

伐原持三日糧退
三十里以示之信

民易資者不求

豐焉明徵其辭

民以貨物易資財者不求
豐多明定其辭不二價

公曰可矣乎

子犯曰民未知禮未生其共於是乎大蒐以示之禮作

經晉文公欲用
其民而亟修此
三者以示之可
謂本務矣

執秩以正其官


執秩主爵
秩之官

民聽不惑而後用之出穀戍

楚申公叔侯戌
在僖二十六年

穀

釋宋圍一戰而霸文之教也



御選古文淵鑒卷一

欽定四庫全書

集部

御選古文淵鑒卷二

詳校官尚書臣德保

主事銜臣徐以坤覆勘

總校官進士臣朱鈐

校對官編修臣盧遂

謄錄監生臣沈廷棟

欽定四庫全書

御選古文淵鑒卷二目錄

周

左傳

晉楚城濮之戰

僖公二十八年

鄭燭之武說秦伯

僖公三十年

秦蹇叔諫穆公襲鄭

僖公三十二年

秦師自鄭入滑

僖公三十三年

晉敗秦師于殽

僖公三十三年

魯躋僖公

文公二年

秦穆公濟河焚舟

文公三年

宋樂豫諫昭公

文公七年

晉卻缺說趙宣子

文公七年

魯季文子出莒僕

文公十八年

王孫滿對楚子

宣公三年

楚子入陳

宣公十一年

楚子圍鄭

宣公十二年

晉楚邲之戰

宣公十二年

齊衛新築之戰

成公二年

齊國佐對晉人

成公二年

晉卿讓功

成公二年

晉鞏朔獻齊捷于周

成公二年

晉知瑩對楚子

成公三年

晉韓厥謀遷國

成公六年

劉子論成肅公受脤

成公十三年

欽定四庫全書

御選古文淵鑒卷二

內閣學士兼禮部侍郎教習庶吉士臣徐乾學等奉

旨編注

周

左傳

晉楚城濮之戰僖公二十八年

宋人使門尹般

宋大夫

如晉師告急

時楚子圍宋

公曰宋人告

城濮名陵霸功之大者召陵之師責

包茅之貢問膠舟之罪何等辭嚴義正城濮之戰執宛春許曹衛以致索馬虎皮曳柴偽道兵家陰謀無所不用此桓文謫正之分也

水心葉適曰城濮之戰宛然戰國楚漢之事與齊桓迥殊不謂時變如此之亟至策命侯伯又

急舍之則絕告楚不許我欲戰矣齊秦未可若之何先

軫曰使宋舍我而賂齊秦藉之告楚我執曹君而分曹

衛之田以賜宋人楚愛曹衛必不許也喜賂怒頑能無

戰乎言齊秦喜得宋賂而怒楚之頑必自戰也公說執曹伯分曹衛之田以

畀宋人楚子入居于申使申叔去穀使子玉去宋曰無

從晉師晉侯在外十九年矣而果得晉國險阻艱難備

嘗之矣民之情偽盡知之矣天假之年而除其害除患懷呂

卻天之所置其可廢乎軍志曰允當則歸又曰知難而

不止漢楚并操
之風見矣

晦庵朱熹曰文
公伐衛以致楚

退又曰有德不可敵此三志者晉之謂矣子玉使伯楚

子越椒也關伯比之孫

請戰曰非敢必有功也願以間執讒慝之

口

間執猶塞也讒慝若為賈謂子玉不能以三百乘入

王怒少與之師唯西廣東

宮與若敖之六卒實從之

楚有左右廣又大子有官甲分取以給之若敖楚武王之

祖父葬若敖者子玉之祖也六卒子玉宗人之兵六百人言不悉師以益之

子玉使宛春告

於晉師曰請復衛侯而封曹臣亦釋宋之圍子犯曰子

玉無禮哉君取一臣取二

君取一以釋宋圍惠晉侯臣取二復曹衛為已功不

可失矣先軫曰子與之定人之謂禮楚一言而定三國

而陰謀以取勝
故夫子稱譎而
不正

臣熙曰齊之霸
以名陵晉之霸
以城濮齊用正
晉用譎此桓文
優劣之辨左氏
極力摹出一時
情事千古如新

我一言而亡之我則無禮何以戰乎不許楚言是棄宋
也救而棄之謂諸侯何楚有三施我有三怨怨讐已多
將何以戰不如私許復曹衛以攜之執宛春以怒楚既
戰而後圖之公說乃拘宛春於衛且私許復曹衛曹衛
告絕於楚子玉怒從晉師晉師退軍吏曰以君辟臣辱
也且楚師老矣何故退子犯曰師直為壯曲為老豈在
久乎微楚之惠不及此

重耳過楚楚成王有贈送之惠

退三舍辟之所

以報也背惠食言以亢其讐

亢猶當也讐謂楚也

我曲楚直其衆

臣正治曰得臣
違楚子之節制
致敗劉復至此
欲不與尸得乎
為賈已先料之
矣

臣德宜曰楚師
之良在其中軍
故胥臣先犯陳
蔡此兵法攻瑕
之術也樂枝偽
遁即淮陰伴此
之智橫擊夾攻
分道出奇故次

素飽不可謂老我退而楚還我將何求若其不還君退

臣犯曲在彼矣退三舍楚衆欲止子玉不可夏四月戊

辰晉侯宋公齊國歸父崔天秦小子憖次于城濮國歸父崔

天齊大夫也小子憖秦穆公子也城濮衛地楚師背鄆而舍鄆丘陵險阻名

晉侯患之聽輿人之誦曰原田每每舍其舊而新是謀

高平曰原喻晉君美盛若原田之草每每然可以謀立新功不足念舊惠公疑焉疑衆謂已背舊謀新

子犯曰戰也戰而捷必得諸侯若其不捷表裏山河必

無害也公曰若楚惠何欒貞子曰漢陽諸姬楚實盡之

如畫

臣楚敬曰先軫之言智子犯之言禮樂枝之言義晉有是三臣

思小惠而忘大恥不如戰也晉侯夢與楚子搏搏手楚

子伏已而盥其腦也盥也是以懼子犯曰吉我得天楚伏

其罪吾且柔之矣子玉使鬬勃楚大夫請戰曰請與君之

士戲君馮軾而觀之得臣與寓目焉晉侯使欒枝對曰

寡君聞命矣楚君之惠未之敢忘是以此為大夫退

其敢當君乎既不獲命矣敢煩大夫謂二三子戒爾車

乘敬爾君事詰朝將見晉車七百乘鞬鞞鞅鞞五萬二千五百

人在背曰鞬在胷曰鞞在腹曰鞅在後曰鞞言駕音半晉侯乘修備。鞬許見反鞞以刃反鞅於杖反鞞音半

安得不霸

臣鴻緒曰是役也晉謀臣猛將克威厥功然非以禮義信教民於先未必能定霸也傳曰能以德攻信夫

登有莘之虛以觀師曰少長有禮其可用也

有莘故國名

遂

伐其木以益其兵已巳晉師陳于莘北胥臣以下軍之

佐當陳蔡子玉以若敖之六卒將中軍曰今日必無晉

矣子西將左子上將右

子西闔宜申子上闔勃

胥臣蒙馬以虎皮

先犯陳蔡陳蔡奔楚右師潰

陳蔡屬楚右師

狐毛設二旆而退

之藥枝使輿曳柴而偽遁楚師馳之原軫卻縠以中軍

公族橫擊之狐毛狐偃以上軍夾攻子西楚左師潰楚

師敗績子玉收其卒而止故不敗晉師三日館穀

館舍也食

楚軍穀及癸酉而還甲午至於衡雍作王宮於踐土衡
三日鄭地滎陽卷縣襄王聞晉戰勝自往勞之故為作宮

鄭燭之武說秦伯僖公三十年

九月甲午晉侯秦伯圍鄭以其無禮於晉

文公亡過鄭鄭不禮之

且貳於楚也晉軍函陵秦軍汜南

此東汜也在滎陽中牟縣

佚之狐

鄭大言於鄭伯曰國危矣若使燭之武

鄭大夫

見秦君師

必退公從之辭曰臣之壯也猶不如人今老矣無能為

也已公曰吾不能早用子今急而求子是寡人之過也

晉之伐鄭本以其無禮貳於楚特借辭耳故是役也晉主而秦客燭之武之言易入者以此

仁山金履祥曰晉文報怨而喜

功故邀秦以伐
鄭秦穆恃功而
嗜利故私鄭以
倍晉此一役也
結怨交兵者數
世晉主夏盟失
秦之援而為楚
所抗自是役始
春秋之所憂在
楚史記之所憂
在秦二者居天
下之大勢矣

然鄭亡子亦有不利焉許之夜縋而出

縋縣城而下

見秦伯

曰秦晉圍鄭鄭既知亡矣若亡鄭而有益於君敢以煩

執事越國以鄙遠君知其難也

設得鄭以為秦邊邑則越晉而難保

焉用

亡鄭以倍鄰

倍並也鄰謂晉也

鄰之厚君之薄也若舍鄭以為

東道主行李之往來共其乏困

行李使人

君亦無所害且

君嘗為晉君賜矣許君焦瑕朝濟而夕設版焉君之所

知也

晉君謂惠公也焦瑕晉河外五城之二邑朝濟河而夕設版築以距秦言背秦之速

夫晉何

厭之有既東封鄭又欲肆其西封若不闕秦將焉取之

關秦以利晉唯君圖之

關猶削小也

秦伯說與鄭人盟使杞

臣乾學曰秦晉協和以圖鄭燭

子逢孫楊孫戌之

三子皆秦大夫反為鄭守

乃還子犯請擊之公曰

之武數言能使秦伯反為鄭守

不可微夫人之力不及此

夫人謂秦穆公

因人之力而敝之不

此種已開戰國榮士之風

仁失其所與不知以亂易整不武吾其還也亦去之

秦蹇叔諫穆公襲鄭

僖公三十二年

違棄老成之言自古鮮有不敗者穆

冬晉文公卒庚辰將殯于曲沃出絳柩有聲如牛卜偃

公敗而知悔庶曰能賢惜其能悔而

使大夫拜曰君命大事將有西師過軼我擊之必大捷

不能改日尋于戈而未有已也

焉

卜偃聞秦密謀故因柩聲以正衆心

杞子自鄭使告于秦

秦使大夫杞子戍鄭曰

臣熙曰情至不
過數語便覺風
景凄然百端交
集
臣鴻緒曰老成
謀國情深語至
悽婉動人

鄭人使我掌其北門之管管籥也若潛師以來國可得也

穆公訪諸蹇叔

秦大夫

蹇叔曰勞師以襲遠非所聞也師

勞力竭遠主備之無乃不可乎師知所為鄭必知之勤

而無所必有悖心且行千里其誰不知公辭焉召孟明

名視百里

西乞

名術

白乙

名丙

使出師於東門之外蹇叔哭

之曰孟子吾見師之出而不見其入也公使謂之曰爾

何知中壽

中壽百歲

爾墓之木拱矣

合手曰拱

蹇叔之子與師哭

而送之曰晉人禦師必於殽

殽在弘農澠池縣

西殽有二陵焉其

秦師至滑而鄭不知微弦高之智鄭亦殆矣文遠宕多姿

南陵夏后臯之墓也

臯夏桀之祖父

其北陵文王之所辟風雨

也

此道在二穀之間南谷中谷深委曲兩山相嶽故可以辟風雨古道由此魏武帝西討巴漢惡其險而更

開北山高道

必死是間余收爾骨焉秦師遂東

秦師自鄭入滑

僖公三十三年

三十三年春秦師過周北門左右免胄而下超乘者三

百乘王孫滿尚幼觀之言于王

襄王

曰秦師輕而無禮必

敗

謂過天子門不卷甲東兵超乘示勇

輕則寡謀無禮則脫入險而脫又

不能謀能無敗乎及滑鄭商人弦高將市於周遇之以

臣德宣曰易有
之師出以律否
臧否又云幾事
不密則害成今
秦師甫出即為
二子所窺其取
敗何疑

臣英曰鄭之辭
杞子意嚴而詞

乘韋先牛十二犒師

商行賈也乘四也韋熟革也古者將獻遺於人必有以先之皆以輕

先重鄭商故以四韋為牛先也

曰寡君聞吾子將步師出於敝邑敢犒

從者不腆敝邑為從者之淹居則具一日之積行則備

一夕之衛且使遽告于鄭

遽傳車猶今驛遞也

鄭穆公使視客館

秦杞子等三大夫戍鄭之館舍

則束載厲兵秣馬矣使皇武子

鄭辭焉

曰吾子淹久於敝邑唯是脯資餼牽竭矣

資糧也生曰餼牽謂牛羊

為吾子之將行也鄭之有原圃猶秦之有具囿也

原圃

具囿皆圃名

吾子取其麋鹿以閒敝邑若何

使秦戌自取麋鹿以為行資令

婉情迫而語閒
想見古人用筆
之妙

是時晉鄭未睦秦
師之東又非加兵
於晉乃藉同姓為
兵端而袁經以從
戎事是亦不可以
已乎

敝邑得閒暇

杞子奔齊逢孫楊孫奔宋孟明曰鄭有備矣不

可冀也攻之不克圍之不繼吾其還也滅滑而還

晉敗秦師于殽

僖公三十三年

晉原軫曰秦違蹇叔而以貪勤民天奉我也奉不可失
敵不可縱縱敵患生違天不祥必伐秦師欒枝曰未報
秦施而伐其師其為死君乎先軫曰秦不哀吾喪而伐
吾同姓秦則無禮何施之為吾聞之一日縱敵數世之
患也謀及子孫可謂死君乎遂發命遽興姜戎

以傳車
起姜戎

止齋陳傳良曰
晉之伯秦有力
焉自城濮以來
無役不從也文
公未葬襄公墨
衰及姜戎要秦
師于殽敗之秦
晉之構怨自是
始更三君交兵
無虛歲曾不十
年晉遂不競而
楚伯

之子墨衰經

晉文公未葬故襄公稱子以凶服從戎故墨染其衰而加經

梁弘御戎

萊駒為右夏四月辛巳敗秦師于殽獲百里孟明視西

乞術白乙丙以歸遂墨以葬文公晉於是始墨

後遂常以為俗

記禮所

文嬴請三帥

文嬴晉文公始適秦秦穆公所曰妻夫人襄公嫡母三帥孟明等

彼實構吾二君寡君若得而食之不厭君何辱討焉使

歸就戮於秦以逞寡君之志若何公許之先軫朝問秦

囚公曰夫人請之吾舍之矣先軫怒曰武夫力而拘諸

原婦人暫而免諸國墮軍實而長寇讐亡無日矣不顧

臣士奇曰秦晉
交兵自穀始先
軫扭於小利而
忘大計啓數世
之釁故穀之勝
禍晉非利晉也

而唾公使陽處父追之

晉大夫

及諸河則在舟中矣釋左

驂以公命贈孟明

欲使還拜謝因而執之

孟明稽首曰君之惠不

以累臣釁鼓使歸就戮于秦寡君之以為戮死且不朽

若從君惠而免之三年將拜君賜

意欲報伐

秦伯素服郊次

鄉師而哭曰孤違蹇叔以辱二三子孤之罪也不替孟

明

替廢也

孤之過也大夫何罪且吾不以一眚掩大德

文二

年秦孟明伐晉戰于彭衙又敗秦伯猶用孟明增修國政卒濟河封穀尸遂霸西戎

魯躋僖公

文公二年

弗忌之躋僖公所
謂非禮之禮夫子
責其不智左氏譏
其失禮聖賢所見
畧同

原父劉敞曰僖
公於閔非父子
也然與親父子
相敬無以異臣
子一體也君之
則我以臣事之
父之則我以子
奉之是故為人
後者則為之子
矣彼不以子繼

秋八月丁卯大事于大廟躋僖公逆祀也

僖是閔兄不
得為父子嘗

為臣位應在下今
居閔上故曰逆祀

於是夏父弗忌為宗伯

宗伯掌宗廟
昭穆之禮

尊僖公且明見曰吾見新鬼大故鬼小

新鬼僖公既為
兄死時年又長

故鬼閔公
死時年少

先大後小順也躋聖賢明也

又以僖公
為聖賢明順

禮也君子以為失禮禮無不順祀國之大事也而逆之

可謂禮乎子雖齊聖不先父食久矣

齊肅也臣繼
君猶子繼父

故禹

不先鯀

禹

湯不先契

湯十三
世祖

文武不先不窋

不窋后
稷子

宋

祖帝乙

微子

鄭祖厲王

鄭桓
公父

猶上祖也是以魯頌曰春

父則必以臣繼君君臣猶父子則父子猶君臣也舜之有天下祖顓頊而宗堯堯非同姓也受國焉爾非同姓尚宗之況親親乎臣莒曰逆禮失祀論斷易繁證以兩詩而足可為引經議事之則

秋匪解享祀不忒皇皇后帝皇祖后稷

魯頌閟宮篇

君子曰

禮謂其后稷親而先帝也詩曰問我諸姑遂及伯姊

邶風

泉水篇

君子曰禮謂其姊親而先姑也仲尼曰臧文仲

魯大

夫名

其不仁者三不知者三下展禽

展禽柳下惠文仲知柳下惠之賢而

使在

廢六闕

塞闕陽闕之屬凡六闕所以禁絕末溺而廢之

妾織蒲三不仁也

家人販席言其與民爭利

作虛器

謂居蔡山節藻稅也有虛縱逆祀夏

父躋僖公

祀爰居三不知也

海鳥曰爰居止於魯東門外文仲以為神命國人祀之

秦穆公濟河焚舟

文公三年

秦伯終任孟明以
成王官之捷可為
千古用人之法

臣乾學曰此秦
穆公之霸也穆
公悔心一萌任
賢修政秦霸西
陲甚矣用人之
效彰彰如是也
孔子刪書獨存
秦誓以此

秦伯伐晉濟河焚舟

示必死也

取王官及郊

王官郊晉地

晉人不

出遂自茅津濟封穀尸而還

茅津在河東大陽縣西

遂霸西戎用

孟明也君子是以知秦穆公之為君也舉人之周也

周備

也不偏以一惡棄其善

與人之壹也

壹無二心

孟明之臣也其不解也

能懼思也子桑之忠也其知人也能舉善也

子桑公孫枝舉孟明

者

詩曰予以采芣于沼于汴予以用之公侯之事秦穆

有焉

召南采芣篇方者曰沼小者曰汴言治汴之芣至薄猶采以共公侯以喻秦穆不遺小善也

風

夜匪解以事一人

大雅烝民篇美仲山甫也

孟明有焉詒厥孫謀以

親之以德一語自
是本原之論不專
為宋公道

燕翼子

大雅有聲篇美武王能遺善謀以安成子孫也

子桑有馬

言子桑有舉善之謀

宋樂豫諫昭公

文公七年

夏四月宋成公卒於是公子成

莊公

為右師公孫友

目夷

子為左師樂豫

戴公玄孫

為司馬鱗矐

桓公孫

為司徒

矐反

子蕩

桓公

為司城華御事

華元父也

為司寇昭公將去羣公

子樂豫曰不可公族公室之枝葉也若去之則本根無

所庇廕矣葛藟猶能庇其本根

葛之能藟蔓繁滋者以本枝廕庇之多

故

君子以為比

謂詩人取以喻九族兄弟

況國君乎此諺所謂庇焉而

臣叔元曰葛藟
本根之喻至理
可思情切而語
類詠何其辭之
冷以雋也

此篇深得懷柔之
道宣子能用善言

縱尋斧焉者也

八尺曰尋所以量木者也

必不可君其圖之親之以

德皆股肱也誰敢攜貳若之何去之不聽穆襄之族率

國人以攻公

穆公襄公之子孫昭公所欲去者

殺公孫固公孫鄭于公

宮六卿和公室樂豫舍司馬以讓公子邛

昭公弟

昭公即

位而葬書曰宋人殺其大夫不稱名衆也且言非其罪

也

晉卻缺說趙宣子

文公七年

晉卻缺

卻缺子

言于趙宣子

趙盾

曰日衛不睦故取其地

文元

其相晉君以主齊
盟也不亦宜哉

年晉侯伐衛
圍戚取之

今已睦矣可以歸之叛而不討何以示威

服而不柔何以示懷非威非懷何以示德無德何以主

盟子為正卿以主諸侯而不務德將若之何夏書曰大

謨戒之用休董之用威勸之以九歌勿使壞九功之德

皆可歌也謂之九歌六府三事謂之九功水火金木土

穀謂之六府正德利用厚生謂之三事義而行之謂之

德禮無禮不樂所由叛也若吾子之德莫可歌也其誰

來之盍使睦者歌吾子乎宣子說之

明年晉歸衛
匡戚之田

辭義與重高陽氏
以下一段太史公
全採入舜本紀

環谷汪克寬曰
莒太子僕弑其
君以其寶玉來
奔納諸宣公則
季孫行父使司
寇出諸境邾庶
其以土地來奔
襄公朝晉未返

魯季文子出莒僕

文公十八年

莒紀公

莒嬴姓少昊之後周武王封茲與于莒紀公名庶其

生太子僕又生季佗

愛季佗而黜僕且多行無禮於國僕因國人以弑紀公

以其寶玉來奔納諸宣公公命與之邑曰今日必授季

文子

季文子桓公季友之後名行父

使司寇出諸境曰今日必達公

問其故季文子使大史克對曰先大夫臧文仲教行父

事君之禮行父奉以周旋弗敢失隊曰見有禮於其君

者事之如孝子之養父母也見無禮於其君者誅之如

而李孫宿以君
姬氏妻之且有
賜馬于此見行
父之忠於公室
而遠於利宿之
貪利而忘君也

伯厚王應麟曰
古者以德為才
十六才子是也
如狄之鄭舒晉
之知伯齊之益
成括以才稱者
古所謂不才子
也

鷹鷂之逐鳥雀也先君周公制周禮曰則以觀德德以

處事事以度功功以食民作誓命曰毀則為賊掩賊為

藏掩匿也竊賄為盜盜器為姦主藏之名以掩賊為名賴姦之

用用姦也為大凶德有常無赦刑有常在九刑不忘行父還

觀莒僕莫可則也孝敬忠信為吉德盜賊藏姦為凶德

夫莒僕則其孝敬則弑君父矣則其忠信則竊寶玉矣

其人則盜賊也其器則姦兆也保而利之則主藏也以

訓則昏民無則焉不度於善而皆在於凶德是以去之

西山真德秀曰
史克激稱以辨
宣公之意釋行
父之志故其言
美惡有過辭蓋
事宜也

臣熙曰平平對
去有開有結比
偶文字左氏已
先為之矣

昔高陽氏有才子八人

高陽帝顓頊之號八人其苗裔

蒼舒隤數禱戲

大臨危降庭堅仲容叔達

此即垂益禹皋陶之倫庭堅即皋陶字○隤音頤數音瑰

禱音桃戲音演

齊聖廣淵明允篤誠天下之民謂之八愷

愷和也

高辛氏有才子八人

高辛帝嚳之號八人亦其苗裔

伯奮仲堪叔獻季

仲伯虎仲熊叔豹季狸

此即稷契朱虎熊羆之倫

忠肅共懿宣慈惠

和天下之民謂之八元

元善也

此十六族也世濟其美不

隕其名以至於堯堯不能舉舜臣堯舉八愷使主后土

后土地官禹作司空以揆百事莫不時序地平天成舉平水土即主地之官

八元使布五教于四方

契作司徒五教在寬故知契在八元之中

父義母慈

兄友弟共子孝內平外成昔帝鴻氏有不才子

帝鴻黃帝也

掩義隱賊好行凶德醜類惡物頑嚚不友是與比周天

下之民謂之渾敦

謂驩兜渾敦不開通之貌。敦徒本反

少皞氏有不才

子

少皞金天氏之號次黃帝

毀信廢忠崇飾惡言靖譖庸回服讒蒐

慝

靖安也庸用也回邪也蒐隱也

以誣盛德天下之民謂之窮奇

謂共工其

行窮其好奇

顓頊氏有不才子不可教訓不知話言

話善告也

之則頑舍之則嚚傲很明德以亂天常天下之民謂之

臣正治曰文子三思後行而于莒傑則出之甚決可謂能疾惡者矣其引古典詳而有體

臣是教曰國語亦載莒僕事而以為里革更書以授文子似未

臣乾學曰行父
詞氣激涉激烈
要其自比鷹鷂
之逐大義凜凜
如中屠嘉召辱
鄧通亦復令人
想見大臣風采

禱杙

謂繇禱杙頑凶
無儔匹之貌

此三族也世濟其凶增其惡名以

至于堯堯不能去縉雲氏有不才子

縉雲黃帝
時官名

貪于飲

食冒于貨賄侵欲崇侈不可盈厭聚斂積實不知紀極

不分孤寡不恤窮匱天下之民以此三凶謂之饕餮

貪財

為饕貪食為饕
化刀反饕他結反

舜臣堯賓于四門流四凶族渾敦

窮奇禱杙饕餮投諸四裔以禦魑魅

魑魅山林異氣
所生為人害者是

以堯崩而天下如一同心戴舜以為天子以其舉十六

相去四凶也故虞書數舜之功曰慎徽五典五典克從

臣杜納曰文子此舉深明人臣之大義節取而表著之亦足維綱常於不墜

問鼎逆節之萌也王孫滿之對一毫委蛇不得必如此辭嚴義正始足以杜觀視之端折強臣之氣

無違教也曰納于百揆百揆時序無廢事也曰賓于四門四門穆穆無凶人也舜有大功二十而為天子今行父雖未獲一吉人去一凶矣於舜之功二十之一也庶幾免於戾乎

王孫滿對楚子宣公三年

楚子

莊

伐陸渾之戎

在伊川

遂至於維觀兵於周疆定王

使王孫滿勞楚子楚子問鼎之大小輕重焉對曰在德

不在鼎昔夏之方有德也遠方圖物

圖畫山川奇異之物而獻之

貢

臣德宜曰在德不在鼎實有圖之金鏡寶箴也蓋正位凝命者乃鼎而三趾兩耳者非鼎也使周鼎不淪於泗水而秦得之亦何益

金九牧

使九州之牧貢金

鑄鼎象物

象所圖物著之于鼎

百物而為之備

使民知神姦

圖鬼神百物之形使民逆備之

故民入川澤山林不逢不

若

若順也

螭魅罔兩

螭山神獸形魅怪物罔兩水神

莫能逢之用能協于

上下以承天休桀有昏德鼎遷于商載祀六百商紂暴

虐鼎遷于周德之休明雖小重也其姦回昏亂雖大輕

也天祚明德有所底止成王定鼎於郊鄆今河南世三

十卜年七百年所命也周德雖衰天命未改鼎之輕重

未可問也

楚子入陳

宣公十一年

既縣陳矣聞正言而復之申叔深得納誨之方楚王亦有虛受之量

正叔程頤曰致亂之臣國所不容也故書納

冬楚子為陳夏氏亂故伐陳

十年夏徵舒弑君

謂陳人無動將

討於少西氏

少西徵舒之祖

遂入陳殺夏徵舒輶諸栗門

輶車裂也

栗門陳城門

○輶音患因縣陳

滅陳以縣為楚縣

陳侯在晉

靈公于成公午

申叔時

使於齊反復命而退王使讓之曰夏徵舒為不道弑其

君寡人以諸侯討而戮之諸侯縣公皆慶寡人

楚縣大夫皆偕

稱公

女獨不慶寡人何故對曰猶可辭乎王曰可哉曰夏

徵舒弑其君其罪大矣討而戮之君之義也抑人亦有

臣熙曰蹊田之喻妙在切直取懷而與之喻妙在輕雋

臣正治曰蹊田之罰最為妙喻猶鄉取一人以歸惜哉其未盡裁之以義也

言曰牽牛以蹊人之田

蹊徑也。蹊音兮。

而奪之牛牽牛以蹊

者信有罪矣而奪之牛罰已重矣諸侯之從也曰討有罪也今縣陳貪其富也以討名諸侯而以貪歸之無乃不可乎王曰善哉吾未之聞也反之可乎對曰可哉吾儕小人所謂取諸其懷而與之也乃復封陳鄉取一人焉以歸謂之夏州故書曰楚子入陳納公孫寧儀行父

二子陳卿

於陳書有禮也

楚子圍鄭

宣公十二年

鄭詞遜順得以小
事大之體所以能
不失國

環谷汪克寬曰
據左氏公羊所
記鄭襄公屈服
於楚禮卑辭異
以求免則楚之
凌暴亦甚矣然
其能不聽左右
之言而退師許
平薄於利而不
要其土則比於
救馬思啓封疆
者猶有改過遷

十二年春楚子圍鄭旬有七日鄭人卜行成不吉卜臨

於大宮

臨哭也大宮鄭祖廟。大音太

且巷出車

出車于巷示將見遷不得安居

吉國

人大臨守陴者皆哭楚子退師鄭人修城進復圍之三

月克之入自皇門至于達路鄭伯肉袒牽羊以逆曰孤

不天不能事君使君懷怒以及敝邑孤之罪也敢不唯

命是聽其俘諸江南以實海濱亦唯命其翦以賜諸侯

使臣妾之亦唯命若惠顧前好徵福於厲宣桓武

鄭桓公周

厲王之子宣王母弟桓公始封西鄭武公始居東鄭不泯其社稷使政事君夷於

善之美意也

臣鴻緒曰前既封陳茲復平鄭伐國而不有莊之霸也宜哉

傳文莫多於此而中間迷言敘事繁冗纖悉秩然不亂粲然不遺典而雅

九縣

九縣莊十四年滅息十六年滅鄧僖五年滅弦十二年滅黃二十六年滅夔文四年滅江五年滅六

滅蓼十六年滅庸

君之惠也孤之願也非所敢望也敢布腹心

君實圖之左右曰不可許也得國無赦王曰其君能下

人必能信用其民矣庸可幾乎退三十里而許之平潘

阍

楚大夫

入盟子良出質

子良鄭伯弟

晉楚邲之戰

宣公十二年

夏六月晉師救鄭荀林父將中軍先穀佐之士會將上

軍

士會士季也初封隨後改封于范遂為范氏

卻克佐之

卻缺

趙朔將下軍

富而艷奇而法曲
而詳諸美其矣

水心葉適曰荆
尸事已見莊公
盖通國大舉凡
在役屬之民皆
用之矣故鄧曼
以為豈不知楚
師之盡行而士
會所言商農工
賈不敗其業而
卒乘輯睦大衆

趙盾

樂書佐之

子樂盾

趙括趙嬰齊為中軍大夫

趙括趙嬰齊皆

趙衰

鞏朔韓穿為上軍大夫荀首

林父弟別為知氏

趙同

趙衰子

為下軍大夫韓厥為司馬

韓萬玄孫

及河聞鄭既及楚平桓

子欲還曰無及於鄭而勦民焉用之

桓子林父勦勞也

楚歸而

動不後隨武子曰善

武子士會

會聞用師觀釁而動德刑政

事典禮不易不可敵也不為是征楚軍討鄭怒其貳而

哀其卑叛而伐之服而舍之德刑成矣伐叛刑也柔服

德也二者立矣昔歲入陳今茲入鄭民不罷勞君無怨

遠征竄為難事
而內外有紀如
此故以為不可
敵也

讜政有經矣荆尸而舉

尸陳也楚武王始更
為此陳法遂以為名

商農工賈

不敗其業而卒乘輯睦事不奸矣為教為宰

為教孫叔
敖宰令尹

擇楚國之令典軍行右轅左追蓐

在車之右者挾轅為
戰備在左者追求草

蓐為宿備
○蓐音辱

前茅慮無

慮無軍行前有斥候踰伏皆持以
絳及白為幡見騎賊舉絳幡見步

賊舉白幡備慮有無也茅明
也或曰時楚以茅為旌識

中權後勁

中軍制謀後
以精兵為殿

官象物而動軍政不戒而備

物猶
類也

能用典矣其君之舉

也內姓選於親外姓選於舊

言親疎
並用

舉不失德賞不失

勞老有加惠旅有施舍

旅客來者施之
以惠舍不勞役

君子小人物有

服章貴有常尊賤有等威禮不逆矣德立刑行政成事
時典從禮順若之何敵之見可而進知難而退軍之善
政也兼弱攻昧武之善經也子姑整軍而經武乎猶有
弱而昧者何必楚仲虺有言曰取亂侮亡兼弱也洵曰
於鑠王師遵養時晦洵詩頌篇名耆昧也耆致也致討于昧武曰無
競惟烈武詩頌篇名撫弱者昧以務烈所可也彘子曰不可
彘子先穀晉所以霸師武臣力也今失諸侯不可謂力有敵
而不從不可謂武由我失霸不如死且成師以出聞敵

晦庵朱熹曰左
傳分誇事近世
士大夫多如此
只要徇人情如

彊而退非夫也命為軍帥而卒以非夫唯羣子能我弗

為也以中軍佐濟知莊子曰即荀首此師殆哉周易有之

在師  坎下坤上師 之臨  兌下坤上臨師 曰師出以

律否臧凶 師卦初六爻辭 執事順成為臧逆為否眾散為弱 坎為

眾今變為 川壅為澤 坎為川今變為兌 有律以如已也

兌兌柔弱 如從也法行則人從法法敗則法從人坎為法象

律否臧且律竭也 竭敗也坎變盈而以竭天且不整所

以凶也不行之謂臨 水變為澤乃成臨卦澤不行之物 有帥而不從臨

荀林父郤之後
先殺連命而濟
乃謂與其專罪
六人同之是何
等語也為林父
者只合按兵不
動召先殺誅之

水心葉適曰楚
去國遠而整晉
在內地而散以
傳考之楚圖以
成餌晉晉甘其
說而弗自定比
其議論反覆之
間馳突忽至遂

孰甚焉此之謂矣果遇必敗彘子尸之雖免而歸必有

大咎韓獻子謂桓子曰

獻子韓厥

彘子以偏師陷子罪大矣

子為元帥師不用命誰之罪也失屬

今鄭屬楚故曰失屬

亡師為

罪已重不如進也事之不捷惡有所分與其專罪六人

同之不猶愈乎師遂濟楚子北師次于郟

郟鄭地

沈尹將

中軍

沈邑名楚官多名為尹

子重將左

莊王弟公子嬰齊

子反將右

公子側

將飲馬於河而歸聞晉師既濟王欲還嬖人伍參欲戰

伍參伍奢之祖父

令尹孫叔敖弗欲曰昔歲入陳今茲入鄭不

不能支求為河
曲之交綏豈可
得也

茅堂胡寧曰邨
之戰先殺趙旃
實敗晉師而獨
書林父者責元
帥也武侯祁山
之戰違命於街

無事矣戰而不捷參之內其足食乎參曰若事之捷孫

叔為無謀矣不捷參之內將在晉軍可得食乎令尹南

轅反旆

旆軍前大旗

伍參言于王曰晉之從政者新未能行

令

言晉之林父新將中軍

其佐先穀剛愎不仁未肯用命其三帥

者專行不獲

欲專其所行而不得

聽而無上衆誰適從

聽燕子趙同趙括則

為軍無上令

此行也晉師必敗且君而逃臣若社稷何

王病之告令尹改乘轅而北之次于管以待之

榮陽京縣東北

有管城

晉師在教郛之間

教郛二山在榮陽縣西北

鄭皇戌使

亭者馬謖也失於箕谷者鄧芝也而武侯深自刻責以為咎皆在己此亦春秋之義也任歸於一者責有所歸權分於下者眾無適從兵導既反漢用條侯以梁王之貴太后之尊交請救援條侯謹守便宜竟破七國唐六道重兵攻圍淮蔡久而無功及

如晉師曰鄭之從楚社稷之故也未有貳心楚師驟勝

而驕其師老矣而不設備子擊之鄭師為承楚師必敗

彘子曰敗楚服鄭於此在矣必許之欒武子曰武子欒書楚

自克庸以來在文十其君無日不討國人而訓之討治也

于民生之不易禍至之無日戒懼之不可以怠于曰在

軍無日不討軍實而申儆之于勝之不可保紂之百克

而卒無後訓之以若敖蚡冒若敖蚡冒萆路藍縷以啓山林

皆楚之先君萆路柴車藍縷敝衣言此若敖蚡冒歲之曰民生在

二君勤儉以啓土○蚡扶粉反萆音必

裴度視師雖韓弘亦與疾醫戰遂擒元濟代宗以九節度之師圍慶緒不立元帥一夕而潰其成敗之績豈不著明也哉

臣熙曰左氏於極長文字如江河無所不有而起伏變化層

勤勤則不匱不可謂驕先大夫子犯有言曰師直為壯

曲為老我則不德而徵怨于楚我曲楚直不可謂老其

君之戎分為二廣

君之親兵

廣有一卒卒偏之兩

十五乘為一廣司馬

法百人為卒二十五人為兩車十五乘為大偏今廣十五乘亦用舊偏法復以二十五人為承副

右廣

初駕數及日中左則受之以至於昏內官序當其夜

內官

近官序次也宿直遞持更也

以待不虞不可謂無備子良鄭之良也

師叔楚之崇也

師叔潘尫為楚人所崇貴

師叔入盟子良在楚楚鄭

親矣來勸我戰我克則來不克遂往以我卜也鄭不可

見叠出令人應接不暇洵文章之鉅觀

從趙括趙同曰率師以來唯敵是求克敵得屬又何俟

必從彘子

得屬服鄭

知季曰原屏咎之徒也

知季莊子也原趙同屏趙括

趙莊子曰欒伯善哉

莊子趙朔欒伯武子

實其言必長晉國楚少

宰如晉師曰寡君少遭閔凶不能文聞二先君之出入

此行也

二先君楚成王穆王

將鄭是訓定豈敢求罪于晉二三子

無淹久隨季對曰昔平王命我先君文侯曰與鄭夾輔

周室毋廢王命今鄭不率寡君使羣臣問諸鄭豈敢辱

候人

候人伺候望敵者

敢拜君命之辱彘子以為諂使趙括從

臣德宣曰晉師人各異心非楚能敗晉晉先自敗也唐李用兵令宦官參軍事往往牽制取敗可以為戒

而更之曰行人失辭寡君使羣臣遷大國之迹於鄭曰

無辟敵羣臣無所逃命楚人又使求成於晉晉人許之

盟有日矣楚許伯御樂伯攝叔為右以致晉師致師謂單車挑

戰許伯曰吾聞致師者御靡旌摩壘而還靡旌驅疾也摩近也樂

伯曰吾聞致師者左射以蔽左車左也蔽善者。蔽側留反代御執

轡御下兩馬掉鞅而還兩飾也掉正也掉徒弔反攝叔曰吾聞致

師者右入壘折馘折馘截耳執俘而還皆行其所聞而復晉

人逐之左右角之樂伯左射馬而右射人角不能進矢

臣鴻緒曰叙兩國軍事極錯綜變化而成敗井然真兵書之祖所以古良將多讀之楚子七德數語志量弘遠不愧霸者

一而已麋興於前射麋麗龜

麗著也龜背之隆高當心者

晉鮑癸當

其後使攝叔奉麋獻焉曰以歲之非時獻禽之未至敢

膳諸從者鮑癸止之曰其左善射其右有辭君子也既

免晉魏錡求公族未得

錡魏犢子欲為公族大夫

而怒欲敗晉師請

致師弗許請使許之遂往請戰而還楚潘黨逐之及榮

澤

榮澤在榮陽縣東

見六麋射一麋以顧獻曰子有軍事獸人

無乃不給於鮮敢獻於從者叔黨命去之

叔黨潘黨趙潘魁之子

旃求卿未得

旃趙穿子

且怒於失楚之致師者請挑戰弗許

臣英曰先教輕而寡謀剛躁而復以致晉師敗衄左傳數處摹寫情狀如畫誠易所謂弟子與尸也

請名盟許之與魏錡皆命而往卻獻子曰獻子二憾往矣弗備必敗彘子曰鄭人勸戰勿敢從也楚人求成弗能好也師無成命多備何為士季曰備之善若二子怒楚楚人乘我喪師無日矣不如備之楚之無惡除備而盟何損於好若以惡來有備不敗且雖諸侯相見軍衛不徹警也彘子不可士季使鞏朔韓穿帥七覆於敖前覆為伏兵七處故上軍不敗趙嬰齊使其徒先具舟於河故敗而先濟潘黨既逐魏錡趙旃夜至於楚軍席於軍門之

臣乾學曰此楚莊之霸也春秋惡僭王獨於是後無貶辭蓋以莊有霸者之義也左氏載晉楚計畫行陣如虬龍變化至今讀者若辟上觀

外使其徒入之楚子為乘廣三十乘分為左右右廣鷄

鳴而駕日中而說

說舍也。說舒銳反。

左則受之日入而說許偃

御右廣養由基為右彭名御左廣屈蕩

屈完子

為右乙卯

王乘左廣以逐趙旃趙旃棄車而走林屈蕩搏之得其

甲裳

下曰裳

晉人懼二子之怒楚師也使軫車逆之

軾車兵車

名潘黨望其塵使騁而告曰晉師至矣楚人亦懼王之

入晉軍也遂出陳孫叔曰進之寧我薄人無人薄我詩

云元戎十乘以先啓行先人也

小雅六月篇

軍志曰先人有

臣莢曰晉師敗
於曠楚莊勝於
懼故子行三軍
必與夫懼者

奪人之心薄之也遂疾進師車馳卒奔乘晉軍桓子不

知所為鼓於軍中曰先濟者有賞中軍下軍爭舟舟中

之指可掬也

兩手曰掬

晉師右移上軍未動工尹齊

楚大夫將

右拒卒以逐下軍

右拒陳名

楚子使唐狡與蔡鳩居告唐惠

侯

唐屬楚之小國義陽安昌縣東南有上唐鄉唐狡蔡鳩居皆楚大夫

曰不穀不德而貪

以遇大敵不穀之罪也然楚不克君之羞也敢藉君靈

以濟楚師使潘黨率游闕四十乘

游車補闕者

從唐侯以為

左拒以從上軍駒伯曰

駒伯郤克

待諸乎隨季曰楚師方壯

臣士奇曰不昭武功而以七德自愧楚莊善居成功蓋自克庸以來無時不兢也

若萃于我吾師必盡不如收而去之分謗生民不亦可乎殿其卒而退不敗王見右廣將從之乘屈蕩戶之曰

戶止也淳熙九經本長平游御史本相臺岳氏本竝作戶而建安本作尸君以此始亦必以

終言楚王以左廣終歸出自是楚之乘廣先左晉人或以

廣隊不能進

廣兵車

楚人憖之脫扃

憖教也扃車上兵闌

少進馬還

又憖之拔旆投衡乃出

還便旋不進旆大旗也拔旆投衡上使不帆風差輕○憖其器

反扃古

顧曰吾不如大國之數奔也趙旃以其良馬二

濟其兄與叔父以他馬反遇敵不能去棄車而走林逢

臣叔元曰通篇
議論叙事鋪陳
排比相雜成文
如編珠錯繡耀
人心目

大夫與其二子乘謂其二子無顧顧曰趙僂在後

僂老稱也

怒之使下指木曰尸女於是授趙旃綏以免明日以表

尸之皆重獲在木下楚熊負羈囚知螢知莊子以其族

反之

知螢知莊子之子族家兵反還戰

厨武子御

武子魏錡

下軍之士多從

之每射抽矢敢納諸厨子之房

房箭舍

厨子怒曰非子之

求而蒲之愛

蒲楊柳可為箭

董澤之蒲可勝既乎

董澤晉澤名其地多

出楊柳河東聞喜縣東北有董池陂既盡也

知季曰不以人子吾子其可得

乎吾不可以苟射故也射連尹襄老獲之遂載其尸射

公子穀臣囚之以二者還

穀臣楚王子

及昏楚師軍於邲晉

之餘師不能軍宵濟亦終夜有聲丙辰楚重至於邲

輜重

重也遂次于衡雍潘黨曰君盍築武軍

築軍營以彰武功

而收晉

尸以為京觀

積尸封土其上謂之京觀

臣聞克敵必示子孫以無忘

武功楚子曰非爾所知也夫文止戈為武武王克商作

頌曰載戢干戈載櫜弓矢我求懿德肆于時夏允王保

之

周頌時邁篇

又作武

周頌篇名

其卒章曰耆定爾功其三曰鋪

時繹思我祖惟求定

賁之篇

其六曰綏萬邦屢豐年

桓之篇

臣杜誦曰林父不能審幾獨斷以致喪師辱國責固難追矣先

穀則復不仁敵
國猶知之顧使
佐中軍此晉之
失霸所由來也

夫武禁暴戢兵保大定功安民和衆豐財者也

此武七德故

使子孫無忘其章今我使二國暴骨暴矣觀兵以威諸

侯兵不戢矣暴而不戢安能保大猶有晉在焉能定功

所違民欲猶多民何安焉無德而強爭諸侯何以和衆

利人之幾

幾危也

而安人之亂以為已榮何以豐財武有

七德我無一焉何以示子孫其為先君宮告成事而已

武非吾功也

古者出軍必載遷廟之主以行今作先君宮告成事謂祭告所載主于宮中也古

者明王伐不敬取其鯨鯢而封之以為大戮於是乎有

京觀以懲淫慝

鯨鯢大魚名喻不義之人吞食小國

今罪無所而民皆盡

忠以死君命又可以為京觀乎祀於河作先君宮告成

事而還是役也鄭石制實入楚師將以分鄭而立公子

魚臣辛未鄭殺僕叔及子服

僕叔魚臣子叔石制

君子曰史佚所

謂毋怙亂者謂是類也詩曰亂離瘼矣爰其適歸

小雅四月

篇歸於怙亂者也夫鄭伯許男如楚秋晉師歸桓子請

死晉侯欲許之士貞子諫曰不可

士貞子士渥濁

城濮之役晉

師三日穀文公猶有憂色左右曰有喜而憂如有憂而

喜乎公曰得臣猶在

得臣即子玉

憂未歇也困獸猶鬪況國

相乎及楚殺子玉公喜而後可知也曰莫余毒也已

是晉再克而楚再敗也楚是以再世不競今天或者大警

晉也而又殺林父以重楚勝其無乃久不競乎林父之

事君也進思盡忠退思補過社稷之衛也若之何殺之

夫其敗也如日月之食焉何損於明晉侯使復其位

宣十

五年荀林父敗赤狄滅潞晉侯賞以狄臣十室亦賞士貞子以瓜衍之縣

齊衛新築之戰

成公二年

諸侯請隧大夫請曲縣繁纓僭越之端上下一轍記孔子之言所以立萬世之防也

水心葉適曰惟器與名不可以假人周不許晉隧而與之田豈非此義然地盡則禮亦不能守故卒為至弱之國其要在於無失君道而已

新築人仲叔于奚

守新築大夫

救孫桓子桓子是以免

孫桓子侵

齊戰敗桓子孫良夫

既衛人賞之以邑

賞于奚

辭請曲縣

軒縣也周禮天子樂

宮縣四面諸侯軒縣關南方

繁纓以朝許之

繁纓馬飾皆諸侯之服。繁步干反

仲尼

聞之曰惜也不如多與之邑唯器與名不可以假人

器車

服名君之所司也名以出信信以守器器以藏禮禮以

行義義以生利

得其宜

利以平民政之大節也若以假

人與人政也政亡則國家從之弗可止也已

齊國佐對晉人

成公二年

韋之戰齊之君臣以驕而致敗晉之將帥以和而有功

環谷汪克寬曰齊桓末年公孫教帥師及諸侯之大夫救徐征伐自大夫出矣而未嘗盟會也

晉師從齊師

戰于韋齊師以敗故追之

入自丘與擊馬陘

丘與馬陘皆齊邑

齊侯使賓媚人賂以紀甌玉磬與地

媚人國佐也甌玉甌皆滅紀所得

甌音彦

不可則聽客之所為賓媚人致賂晉人不可曰必

以蕭同叔子為質

同叔蕭君之字齊侯外祖父子女也難斥言其母故遠言之

而使

齊之封內盡東其畝

使墾畝東西行

對曰蕭同叔子非他寡君

之母也若以匹敵則亦晉君之母也吾子布大命於諸

侯而曰必質其母以為信其若王命何且是以不孝令

也詩曰孝子不匱永錫爾類

大雅既醉篇

若以不孝令於諸

晉文末年翟泉之盟以諸侯之大夫上盟王子虎禮樂自大夫出矣而非征伐也今此魯以四卿帥師會霸國之上卿與衛曹之卿大夫敗齊侯于鞏又盟齊國佐于衷婁而禮樂征伐皆自大夫出矣厥後晉悼以復伯之賢首以諸侯之大夫圍彭城

侯其無乃非德類也乎先王疆理天下物土之宜而布

其利

物土之宜播殖之物各從土宜

故詩曰我疆我理南東其畝

小雅信南

山篇今吾子疆理諸侯而曰盡東其畝而已唯吾子戎車

是利無顧土宜其無乃非先王之命也乎反先王則不

義何以為盟主其晉實有闕四王之王也樹德而濟同

欲焉五伯之霸也

夏伯昆吾商伯大彭豸韋周伯齊桓晉文

勤而撫之以役

王命今吾子求合諸侯以逞無疆之欲詩曰布政優優

百祿是道

商頌長發篇

子實不優而棄百祿諸侯何害焉不

虎牢盟陳表傷
征伐盟會悉付
之大夫而蕭魚
之後凡役皆以
大夫矣翟泉之
大夫貶稱人此
不勝貶則從同
也
臣正治曰叙事
瑣屑而不無辟
女子一段寫出
倉皇投攘之際
情景宛然

臣廷敬曰東其
詔范甯註穀梁

然

不見許

寡君之命使臣則有辭矣曰予以君命辱於敝

邑不腆敝賦以搞從者

戰而曰搞為孫辭

畏君之震師徒撓敗

吾子惠徼齊國之福不泯其社稷使繼舊好唯是先君

之敝器土地不敢愛子又不許請收合餘燼

燼火餘木

背城

借一

欲於城下復借一戰

敝邑之幸亦云從也況其不幸敢不唯

命是聽

若齊幸勝亦從晉求和

魯衛諫曰齊疾我矣其死亡者皆

親暱也子若不許讐我必甚唯子則又何求子得其國

寶我亦得地而紓於難其榮多矣齊晉亦唯天所授豈

以爲利於戎車之驕侵也何休註公羊以爲晉地宜東畝者多使齊亦如之也觀戎車是利二語當以范說爲長臣岳頌曰原本孝德仁也稱述先王義也正論徽徽能誦無禮之請尊賢尚功之報速矣

必晉晉人許之對曰羣臣帥賦輿

賦輿猶兵車

以爲魯衛請

若苟有以藉口而復於寡君君之惠也敢不唯命是聽

禽鄭自師逆公

禽鄭魯大夫

秋七月晉師及齊國佐盟于爰

婁

爰婁去齊五十里

使齊人歸我汶陽之田

汶陽之田本魯地爲齊所侵

公

會晉師于上鄆

上鄆地闕

賜三帥先路三命之服

三帥郤克士燮欒書

司馬司空輿帥候正亞旅皆受一命之服

晉司馬司空皆大夫與帥

主兵車候正主斥候亞旅亦大夫也皆魯侯賜

晉卿讓功

成公二年

此篇僅百餘言所以處父子君臣僚友之道皆見

臣鴻緒曰謀則受益和則致祥人臣協恭之道莫不宜然況軍政乎晉三帥可謂善居功矣

晉師歸

歸自鞏

范文子後入武子曰無為吾望爾也乎

武子

士會文子之父

對曰師有功國人喜以逆之先入必屬耳目焉

是代帥受名也故不敢武子曰吾知免矣郤伯見公曰

子之力也夫對曰君之訓也二三子之力也臣何力之

有焉

郤伯郤克

范叔見勞之如郤伯對曰庚所命也克之制

也變何力之有焉

范叔即范文子荀庚將上軍時不出范文子上軍佐代行故稱帥以讓

欒伯見公亦如之對曰變之詔也士用命也書何力之

有焉

義指嚴正辭氣溫
醇深得王朝詰誠
之體

臣德宜曰晉之
伐齊以私怨相
攻非奉王命而
獻捷于周非禮
也定王拒周禮
以折強藩再言

晉鞏朔獻齊捷于周

成公二年

晉侯使鞏朔獻齊捷于周

獻鞏王捷

定王弗見

使單襄公辭

焉曰蠻夷戎狄不式王命淫湎毀常王命伐之則有獻

捷王親受而勞之所以懲不敬勸有功也兄弟甥舅侵

敗王賂王命伐之告事而已不獻其功所以敬親暱禁

淫慝也今叔父克遂有功于齊而不使命卿鎮撫王室

所使來撫余一人而鞏伯實來未有職司於王室

大國三卿

其二卿命于天子鞏伯即鞏朔為上軍大夫名位卑微未達于王室

又奸先王之禮

謂獻齊捷

王命伐之而晉
之失已見

當時敦尚節概故
螢之對楚王其詞

余雖欲於鞏伯

欲受其獻

其敢廢舊典以忝叔父夫齊甥舅

之國也而大師之後也寧不亦淫從其欲以怒叔父抑

豈不可諫誨士莊伯不能對

莊伯鞏朔

王使委于三吏

委屬也三

吏三禮之如侯伯克敵使大夫告慶之禮降于卿禮一

等王以鞏伯宴而私賄之使相告之曰非禮也勿藉

相相

禮者藉書也言此宴賄皆非禮之正勿書此以為禮典

晉知螢對楚子

成公三年

晉人歸楚公子穀臣與連尹襄老之尸於楚以求知螢

彊直如此

臣乾學曰寫得
知營之言嚴勁
不少屈方見霸
主度量過人處

邲之戰楚
獲知營

於是荀首佐中軍矣

首知營父

故楚人許之王送

知營曰子其怨我乎對曰二國治戎臣不才不勝其任
以為俘馘執事不以釁鼓使歸即戮君之惠也臣實不
才又誰敢怨王曰然則德我乎對曰二國圖其社稷而
求紓其民各懲其忿以相宥也兩釋纍囚以成其好二
國有好臣不與其誰敢德王曰子歸何以報我對曰
臣不任受怨君亦不任受德無怨無德不知所報王曰
雖然必告不穀對曰以君之靈纍臣得歸骨於晉寡君

土厚水深地利也
民從教人和也立
國之道而言盡之
晉侯不從諸大夫

之以為戮死且不朽若從君之惠而免之以賜君之外

臣首

稱於異國
君曰外臣

首其請於寡君而以戮於宗亦死且不

朽若不獲命而使嗣宗職次及於事而帥偏師以修封
疆雖遇執事其弗敢違其竭力致死無有二心以盡臣
禮所以報也王曰晉未可與爭重為之禮而歸之

晉韓厥謀遷國

成公六年

晉人謀去故絳

晉復命新田為絳故謂此故絳

諸大夫皆曰必居郇瑕

氏之地

郇瑕古國名河東解縣西北有郇城

沃饒而近鹽

鹽鹽也猗氏縣鹽池是。鹽音

而惟獻子是從可
謂能擇善矣

臣廷敬曰近寶
公室乃貧論甚
新創然中有至
理確然不易

古國利君樂不可失也韓獻子將新中軍且為僕大夫

公揖而入獻子從公立於寢度謂獻子曰何如對曰不

可郇瑕氏土薄水淺其惡易覲惡疾疾易覲則民愁民

愁則墊隘墊隘羸於是乎有沈溺重腿之疾沈溺濕疾

不如新田平陽絳土厚水深居之不疾有汾澮以流其

惡汾水出太原經絳北西南入河澮且民從教無災十

世之利也夫山澤林鹽國之寶也高阜為山止水為澤

國饒則民驕佚近寶公室乃貧不可為樂公說從之夏

民受天地之中以
生語極純粹故朱
子稱之大既亦醇
正無疵非復春秋
氣稔之習

晦庵朱熹曰劉
康公論人受中
以生與子產論
伯有為厲事其
窮理甚精

四月丁丑晉遷於新田

劉子論成肅公受脤

成公十三年

公及諸侯朝王

王簡

遂從劉康公成肅公會晉侯伐秦成

子受脤于社不敬

脤宜社之肉也盛以脤器故曰脤宜出兵祭社之名○脤市軫反

劉

子曰吾聞之民受天地之中以生所謂命也是以有動
作禮義威儀之則以定命也能者養之以福不能者敗
以取禍是故君子勤禮小人盡力勤禮莫如致敬盡力
莫如敦篤敬在養神篤在守業國之大事在祀與戎祀

有執膳

膳祭
肉

我有受脤神之
大節也今成子情棄其命

矣其不反乎

是年夏五月成
肅公卒于瑕

御選古文淵鑒卷二